



13  
1969  
28





門 1 3  
號 1969  
卷 23

門 1 3  
號 1969  
卷 7

格致鏡原卷九十八

昆蟲類三



蟋蟀附絡緯 籠馬 油葫蘆



禮記季夏之月蟋蟀居壁 陸璣詩疏蟋蟀似蝗而小  
正黑有光澤如漆有角翅一名蛩一名蜻蛚楚人謂之  
王孫幽州人謂之趣織督促之言也里語曰趨織鳴懶  
婦驚是也 古今注蟋蟀一名吟蛩秋初生得寒則鳴  
一云濟南呼為懶婦 琿雅促織一名投機謂其聲如  
急織也 清異錄漢龍驤子名邛諱之呼蛩曰秋風又  
今人呼蛩為莎亭部落 詩義問蟋蟀食蠨而化 搜  
神記朽葦為蛩 高僧傳道寶聞蟋蟀曰時聞此葦足

各文鏡原卷九十八 昆蟲類 蟋蟀

早稻田 大學 圖書館  
照 26.11.1 雙  
藏 書



代簫管

天寶遺事

蟋蟀每至秋時宮中妃妾輩皆以

小金籠捉蟋蟀閉於籠中置之枕函畔夜聽其聲庶民之家皆效之也。賈似道蟋蟀論。煖則在郊寒則附人似識時者拂其首則尾應之拂其尾則首應之似解人意者合類頡頏以決勝負英猛之氣甚可觀也。五雜俎。三吳有鬪。從。織之戲鬪之有場盛之有器必大小相配兩家審視數四然後登場決賭左右袒者各從其耦其賭在高架之上只爲首二人得見勝負其爲耦者仰望而已未得一寓目而輸直至於千百不悔甚可笑也。

賈似道促織經。生於草土者其身軟生於磚石者其體剛生於淺草瘠土磚石深坑向陽之地者其性劣其

色白不如黑黑不如赤赤不如黃黃不如青其形有白麻頭青項金翅金銀絲額上也黃麻頭次也紫金黑色又其次也以頭項肥脚腿長身背潤者爲上頭尖項緊脚瘦腿薄者爲下其病有四一仰頭二捲鬚三練牙四踢腿若犯其一皆不可用若兩尾高低兩尾垂萎並是老朽亡可立待也其名有白牙青拖肚黃紅頭紫狗蠅黃錦蓑衣肉鋤頭金束帶齊簪翅梅花翅琵琶翅青金翅紫金翅烏頭金翅油紙燈三段錦紅鈴月額頭香色脂鈴之類養法用鱖魚芡肉蘆根蟲斷節蟲扁擔蟲煮熟栗子黃米飯醫法嚼牙餵帶血蚊蟲內熱用荳芽尖葉落胎糞結用蝦婆頭昏川芎擦浴咬傷用童便舐



糞調和點其瘡口  
五雜組促織惟雌者有文采能鳴  
健鬪雄者反是以立秋後取之飼以黃荳糜至白露則  
夜鳴求偶然後以雄者進不當意輒咋殺之次日又以  
一雄進又皆咋殺之則為將軍矣咋殺三雄則為大將  
軍持以決鬪所向無前又某家有將軍則眾相戒莫  
敢與鬪乃以厚價潛售它邑人其大將軍鬪止以股一  
踢之遠去尺許無不糜爛或當腰咬斷不須鬪也大將  
軍死以金棺盛之以銀瘞於原得之所則次年復有此  
種不則無矣凡促織與蜈蚣共穴者必健而善鬪吳中  
人多能辨之  
虎苑吳俗好鬪蟋蟀用黃金花馬為注  
里人張生為之屢負禱于玄壇夜夢神云遣吾虎助爾

在北寺門下張覺往尋之獲黑蟋蟀甚大每鬪輒勝獲  
利甚豐久之乃死

蛩雅絡緯雄鳴于上風雌鳴于下風而風化  
古今注莎雞有青褐兩種一名梭雞一名絡緯以其聲  
如紡績織緯也一名促寒娘 兼明書莎雞狀如蜘蛛  
頭小而身大色青而有鬚其羽晝合不鳴夜則氣從背  
出吹其羽振振然其聲有上有下正似緯車故今人呼  
為絡緯者是也 蛩雅莎雞小蟲黑身赤首一名樗雞  
一名天雞草木疏云如蝗斑色毛翅數重其翅正赤六  
月中飛而振羽索索作聲幽州人謂之蒲錯

蒲錯  
酉陽雜俎竈馬狀如促織稍大脚長好穴於竈

昆蟲類 絡緯 竈馬 油葫蘆



側俗言竈有馬足食之兆。山堂肆考竈蟲好穴於竈側一名竈馬一名竈雞形類促織而身較長鬚兩股能跳食鍋中餘沫促織則有翼而黑色性剛善鬪竈雞則無翼而褐色身弱而易死其聲亦曰織織。

**油葫蘆**

事物紀原油葫蘆如促織而三尾不鳴不鬪。

**蟻**

禮月令孟夏之月蟻蟻鳴注蟻蟻也蟻蟻也四月陰氣始動于下故二物應之而鳴也。爾雅蟻蟻注蟻蟻類疏按方言蛄者謂之杜略音蟻蟻謂之蟻蛄或謂之蟻蛤南楚謂之杜狗或謂之蟻蛄。卑雅蟻蛄臭蟲一名蟻孫炎爾雅正義以為蟻是雄者喜鳴善飛雖

者腹大羽小不能飛翔食風與土要以前甚澁要以後甚利。爾雅疏蟻一名天蟻一名碩鼠即今之蟻蛄也。

廣志蟻蛄會稽謂之蟻蛄。通雅蟻蛄乃土狗好攻

土夜飛傳火。本草蟻蛄夜出求含燈火而走俗呼為

偷火蟲。席上腐談按月令蟻蟻鳴蚯蚓出蓋蚯蚓與

蟻蛄同處鳴者蟻蛄非蚯蚓也故諺云蟻蟻叫得腸斷

曲蟻乃得歌名。河圖黃帝起有大蟻見。劉向別錄

鄒衍言黃帝土德有蟻蛄如牛。搜神記晉盧陵太守

歷企自云其祖坐繫獄忽見蟻蛄行其左右因謂曰爾

有神能活我死否因投食與之蟻蛄食飯盡而去有頃

復來形體稍大復投食與之數日間其大如豚及將刑



之夜掘壁為大穴破械得從之出亡後遇赦免故企世  
祀蟻姑焉續異志晉義熙中零陵施子然家大作田  
至獲時廬於田側守視一夜未眠見一中形丈夫著黃  
練單衣袷造席與語云姓盧名鈞家在粽溪邊歸水後  
掘田塍見人以有蟻姑斗許一尤大子然悟曰近日客  
盧鈞及音則蟻姑也家在粽溪即西坎也灌以沸湯於  
是遂絕

蚯蚓

考工記注蚯蚓却行蟻土精也其為物引而後伸  
令孟夏蚯蚓出冬至蚯蚓結注結屈也天寒蚓入穴首  
下陽動則首上其身屈曲也抱朴子蚓無口而揚聲

淮南子蚓無筋骨之利爪牙之強土食晡墾下飲黃  
泉用心一也郭璞贊蚯蚓土精無心之蟲交不以分  
淫於阜螽觸而感物乃無常雄蟬史夏月蚓夜鳴於  
草底與阜螽同穴為雌雄阜螽即蟪也物類相感志  
蟪與蚯蚓雖異類而為雌雄蚯蚓鳴則阜螽跳躍五  
月五日伺其偶合收而風之令人相愛類從蚯蚓之  
塵背灑起霧稽神錄有村人震死既而空中呼曰誤  
矣可取蚯蚓攪搗覆臍中當差如言傳之遂蘇金臺  
紀聞蚯蚓糞能治蜂螫余曾為蜂所毒急以井泉調蚯  
蚓糞塗其痛立止歲時記五日午時子非睡而東不  
語取蚯蚓乾長之謂之八乙泥為魚鯁者以小許擦咽



外卽消 番禺記闕越江北山間蠻夷咬蚯蚓脯爲羞  
容州人好食其土人以其爲毒或云以蚯蚓爲之 古今  
注蚯蚓一名蛇蟻一名曲蟻善長吟於地中江東謂之  
歌女或謂之鳴砂亦呼爲蠶蟻 本草蚯蚓一名土龍  
一名地龍子其原呼爲蚯蚓 爾雅疏蟻蚘一名蠶蟻  
卽蝨蟻也 吳氏本草蚯蚓一名白頸蟻蟻一名附引  
劉賓客嘉話瓊州地名胸膠胸膠是蚯蚓也土多此  
蟲常至夜江畔出其身半跳於空中而鳴其形胸膠  
忍 餘冬序錄孟子所謂吾必以仲子爲巨擘者蓋齊  
地有蟲類大蚯蚓人謂之巨擘善攀地以行巨擘卽蚯  
蚓之大者孟子謂蚓而後充其操今注以爲六指非也

埤雅蚯蚓有一種白項是其老者也 呂氏春秋黃  
帝見大蟻土氣勝故其色尚黃高誘注蟻蚯蚓 世紀  
黃帝時蟻大如蚯蚓 五行記陳後主時隋軍至江蚯蚓  
盡出森如植箭陳氏水鄉蚯蚓土蟲象陳氏自稱土德  
盡出明傾其窟穴以曲歸直是歲隋平陳 酉陽雜俎  
上都澤城宅戟門外一小槐樹樹有穴大如錢每夏月  
霽後有蚓大如巨擘長二尺餘白頸紅斑領引數百條  
如索綠樹枝幹及曉悉入穴或時衆鳴往往成曲又予  
三從房伯父唐太和三年任廬州某官庭前忽有蚓出  
大如食指長可二三尺白項當項下有兩足正如雀脚  
步于垣下經數日方死又予姪女乳母嘗使本荆州人



嘗言小時見其姪孔謙籬下有蚓口露雙齒肚下足如  
弦長尺五行疾于常謙遽殺之其年謙喪母及兄叔因  
不得活 異苑孟州王雙宋文帝元嘉初忽不欲見明  
常取水沃地以蒸蔣叢上眠息飲食悉入中云恒有女  
著青裙白領巾來就其寢母聽聞薦下有聲歷歷發之  
有一青色白纓蚯蚓長二寸許云此女常以一奩香見  
遺氣甚清芬奩乃螺殼香則菖蒲根於時咸謂雙暫同  
阜蟲矣 續明道雜志黃州有小蛇首尾相類因謂兩  
頭蛇余視之其尾端蓋類首而非也土人言此蛇老蚯蚓  
所化無甚大者其大不過如大蚓行不類蛇宛轉甚  
鈍又謂之山蚓 劇談錄蚯蚓為百合乃自有知為無

知蚯蚓在土中欲化時蟠結如毬已有百合之狀

蟻

譚子化書螻蟻之有君也一拳之宮與眾處之  
一塊之臺與眾臨之一粒之食與眾蓄之一蟲之肉與  
眾師之一罪無疑與眾戮之 戒菴漫筆蟻謂之馬蟻  
形如馬也羣聚成陣俗謂之馬蟻作羈必有兩曾見兩  
兩相關屢退屢合經一晝一夜 埤雅螻有君臣之義  
故其字從豈亦或从義善鬪力舉等身鐵鬪輯酣戰不  
解有行列隊伍 古今五行記後魏顯宗天安元年竟  
州有黑蟻與赤蟻交鬪長六十步廣四寸赤蟻斷頭而  
死黑主北赤主南時齊明帝殺少帝子業而自立大為



魏軍所破東魏孝靜帝武定四年鄴下有黃蟻與黑蟻  
鬪黃蟻盡死時東魏戎衣色黑西魏戎衣色黃既而高  
歡圍王壁五旬不拔班師而薨莊子蟻慕羶抱朴  
子蟻有兼弱之智莊子得時則蟻行注蟻行透遲有  
序需而不速韓子桓公伐孤竹行山中無水隰朋曰  
蟻冬居山之陽夏居山之陰蟻攘寸而有水乃掘之遂  
得水焦贛易林蟻封戶穴大雨將集博物志蟻知  
將雨京房易占蟻無故當道若門戶城郭聚土水且  
傷人方言埴封塲也楚郢以南蟻土謂之埴埴雅  
詩云鸛鳴於埴埴蟻冢也蟻將雨則出而壅土成峰鸛  
鳥見之長鳴而喜方言曰其塲謂之埴亦或謂之埴埴

以至蟻之微而能為埴用其至故也一名蟻封死雜  
組人有掘地得蟻城者街市屋宇樓堞門巷井然有條  
唐五行志開成元年京城有蟻聚長五六十步濶五尺  
至一丈厚五寸至一尺可謂異矣珍珠船有再端者  
因營葬掘地遇蟻城方丈城壘皆具若雕刻中有街徑  
樓閣土大蟻居樓閣中一紫色足翅皆如金嶺表錄  
異交廣溪洞間酋長多蟻卵淘澤令淨鹵以為醬或云  
其味酷似肉醬非官客親友不可得也倦游錄嶺南  
暑月欲雨則朽壤中白蟻蔽空而飛入水翅脫化為蝦  
土人遇夜于水次秉燭蟻見火光悉投水中則以竹漉  
取搏之每搏以豚鬻慘之為鮓說天蝦鮓又有大赤蟻



作窠于木梢如數升器者取其卵并蟻以糝泊薑鹽釀焉云味極辛辣。〔吳錄〕居風縣有蟻絮藤人視土中知有蟻因土發以木皮插其上則蟻出緣而生漆。〔雞肋編〕廣州可耕之地少民多種柑橘以圖利嘗患小蟲損食其實惟樹多蟻則蟲不能生故園戶之家買螿于人遂有收螿而販者用豬羊脬盛脂其中張口置蟻穴傍俟螿入中則持之而去謂之養相蟻。

〔大戴禮〕十二月立駒賁注。立駒者蟻也賁者走於地中也。〔古今注〕牛亨問董仲舒曰蟻曰立駒何也。荅曰河內人見有人馬數于萬騎皆大如黍米旋動往來從朝至暮家人以火燒之人皆是蚊駒馬皆成大蟻。

故今人呼蚊駒曰黍民蟻曰立駒。〔方言〕蚍蜉齊魯之間謂之蚍蜉西南梁益之間謂之立駒燕謂之蚍蜉爾雅疏螿通名也其大者別名蚍蜉俗呼馬蚍蜉小者即名螿齊人呼螿蚍其大而赤色斑駁者名螿一名打螿有翅而飛者名螿即飛螿也其子在卵者名蚍可以作醢。〔詞林海錯〕蟻名螿蟻一名石宮。〔廣志〕有飛蟻有木蟻古曰立駒者也又有黑黃大小數種。〔酉陽雜俎〕元和中予居在長興里庭有一穴蟻形狀竊赤蟻之大者而色正黑腰節微赤首銳足高走最輕迅每生致螿及小蟲入穴輒壞坵室穴蓋防其逸也又秦中多巨黑蟻好鬪俗呼為馬蟻次有色竊赤者細蟻中有黑色



遲鈍力舉等身鐵有竊黃者最有兼弱之智其行每六  
七有大首者間之整若隊伍至徙蠅時大首者或翼或  
如備異蟻狀也 [續博物志] 馬緒謫潮得巨蟻長尺  
餘鹽漬之歸誇北人 [楚辭] 赤蟻若象 [注] 西方曠野有  
赤蟻其大若象能殺人 [山海經] 朱蟻其狀如蟻在崑  
崙墟



[異聞集] 公立之夜讀書有人物如粟粒數百皆

具中胃擁一赤幘紫衣者行案上傳呼曰蚍蜉王欲觀  
漁小紫石海顧左右索漁具凡數百齊入硯中獲小魚  
數十頭立之以書卷蒙之執燭以觀一無所見 [齊諧  
記] 董昭之過江見蟻胃 [知虛昭之救之後繫獄蟻領

羣穴獄昭之得免 [南柯記] 淳于棼夢為大槐安國  
駙馬領南柯郡太守征檀蘿國既覺尋宅南大古槐下  
穴旁可袤丈有大穴洞然明朗可容一榻根上有積土  
壤以為城郭臺殿之狀有蟻數斛隱聚其中中有小臺  
其色若丹二大蟻處之素翼朱首長可三寸左右大蟻  
數十輔之諸蟻不敢近是其王矣即槐安國都也又窮  
一穴直上南枝可四丈亦有土城小樓羣蟻亦處其中  
即生所領南柯郡也又訪于外宅東一里有古澗澗側  
有大檀樹一枝藤蘿擁織上不見日旁有小穴亦有羣  
蟻隱聚其間檀蘿之國豈非此耶 [窮神祕苑] 古槐中  
蟻穴也元魏時盧汾嘗叩樹有女子衣青出引汾入見



廳堂危豁題曰審雨堂

蛙

周禮

秋官蠲氏掌去毒龜焚牡鞠以灰灑之則

死以其烟被之則凡水蟲無聲軍若水脚氣集朝廷

禁捕蛙以其能食蝗也周禮蠲氏掌去毒龜是惡其聲

之聒人田家五行上巳日聽蛙聲占水旱北戶錄

蛙性熱其捕人人有折其尾於瓶中以水養之不三五

日如故亦有以蘇煎食者水族加恩簿申謂蛙也蒼

皮癢疹矮股跳梁授濟饑都護行水樂令莊子秋水

篇公子牟曰子獨不聞夫陷井之鼃乎謂東海之鼃曰

吾樂與吾跳梁乎井幹之上入休乎闕發之崖赴水則

接掖持頤蹶泥則沒足滅跗還蚌音寒義云井中蟹與

科斗莫吾能若也漢書武帝元鼎五年秋蛙與蝦蟆

鬪是歲四將軍衆十萬征南越開九郡南史孔蛙門

庭之內草萊不剪中有蛙鳴曰我以此當兩部鼓吹

南史梁沈僧昭與武陵王紀坐池亭蛙鳴聒耳王曰殊

廢絲竹之聽僧昭咒厭十許口便止王曰欲其復鳴僧

昭曰王歡已闌今恣汝鳴即便喧聒宣室志有人見

羣僧浴水中問之曰此亥陰池也又曰檀越可聽吾徒

之梵音於是合聲而噪乃羣蛙也拾遺記倉頡之處

有丹石井有白蛙兩翅常來去井上或化爲雙白鳩入

雲唐五行志神龍中渭水有蛙大如鼎里人聚觀數

昆蟲類 蛙



日而失 [玉堂閒話] 徐之東界接沂川有溝多盤車相傳是溪伸試車之所溝有水水有蛙大可如五石甕目如盆昔嘗有人於其頂上得藥服之度世

詳類

[武紀注] 鼃也似蝦蟆而長脚其色青 [山堂

肆考] 蛙一作鼃蝦蟆之屬也一名蛤魚一名蝮一名長

股一名田雞一名水雞一名鼃一名土鴨 [本草衍義]

鼃色青腹細嘴尖後脚長故善跳圖經云似蝦蟆而背

青綠色俗謂之青蛙亦有背作黃文者人謂之金線鼃

黑色者南人呼為蛤子食之至美即今所謂之蛤亦名

水雞是也閩蜀浙東人以為珍饈小形善鳴喚者名鼃

子 [爾雅疏] 其居水者名鼃一名吹鼃狀似青蛙而腹

大為異陶注本草云大而青脊者俗名土鴨其鳴甚壯

即此鼃也陶又云一種小形善鳴喚名為鼃者即郭云

青蛙者也 [邱光庭兼明書] 蛙形小而長色青而皮光

春夏居水邊相對而鳴者也按蛙鳴始於二月驗立夏

而鳴者其形最小其色褐黑好聚淺水而鳴其聲如自

呼為渴於者是螻蝻也 [周官] 蠃氏 [鄭注] 蠃今御所食

蛙也 [通志] 有一種生山谷中黑色肉紅名石鱗魚竝

可食 [泉南雜志] 鼃一名石鱗魚紫斑如額錦生溪澗

高潔處其大如雞得亦不易厥俗兼皮食之有見餉者

曰此難得之珍味也 [侯鯖錄] 水雞蛙也水族中厥味

可薦者 [蜀都賦] 蠃蟻山棲 [注] 蠃蟻類蛙而大即今田



雞也。格物總論。蛙數種有黑虎有黃。其形各別。黑虎身小黑。脚小班。脚黃斑。色前脚大。後腿小有尾子。一條黃。遍身黃色。腹下有臍帶。長五六分。蠖。蠖即夜鳴。腰細口大。皮蒼。鰲。色俗名田雞。其他又有蠹。蠹長狹。石。蠖子之屬。投荒雜錄。南方又有水族狀如蛙。其形尤惡。土人呼為蛤。蛙食之味美如鷓鴣。及治男子勞虛。

蝦蟇 附蚪蚪 蟾蜍

總論 賈公彥周禮疏。脰鳴者即蝦蟇也。埤雅。蝦蟇。

懷土雖取以置遠郊。一夕復還其所。全雅。蝦蟇。曳腸於水際。草土纏繳如索。日見黑點漸深。至春水時鳴以

聒之。則蚪斗皆出。出之聒子。埤雅。雜俎云。蝦蟇無腸。又云。蝦蟇聲抱。今里俗聞其春鳴。謂之聒子。聒子即所謂聲抱也。又曰。蝦蟇生子後。腹空無物。故曰無腸。山堂肆考。燒蝦蟇可以制蚤蝨。宋書。張暢弟收嘗為獮犬所傷。醫者云。宜食蝦蟇。瞻可療。收甚難之。暢含笑先嘗。收因此乃食。割亦即愈。尚書故實。百粵人以蝦蟇為上味。疥者皮最佳。故越人云。不可脫去此錦襖子。游宦紀聞。眉州人水濱釣蝦蟇。置籃中。皆兩兩相負。牢不可拆。極力分之。旋即相負如初。市之以為珍味。成都人最重之。以料物和酒炙之。曰炙蟾。括蒼亦以為珍品。名曰風蛤。淮南子。老蝦蟇化為鶉。集異志。唐高宗

各文竟原九八 昆蟲類 蝦蟇



嘗患頭風穿地置藥爐忽有一蝦蟇躍出色如黃金背  
有朱書武字 酉陽雜俎長慶中八月十五日夜有人  
玩月見林中光屬天如疋布視之見一金背蝦蟇 霏  
雪錄越中有道士陸國賓者曉乘舟出見白虹跨水甚  
近及至其所見蝦蟇如箬笠大白氣從口出即跳入水  
虹亦不見 唐五行志先天二年六月京師朝堂磚下  
有大蛇出長丈餘有大蝦蟇如盤而目赤如火相與鬪  
俄而蛇入於大樹蝦蟇入於草蛇蝦蟇皆陰類朝堂出  
非其所也 宣室志唐李揆乾元中為禮部侍郎嘗一  
日忽聞堂中有聲極震若牆圯驚入視之見一蝦蟇俯  
於地高數尺巉然殊狀揆命家童以巨缶蓋焉有解者

曰夫蝦蟇月中之蟲亦天使也今天使來公堂豈非上  
帝以榮命付公乎其明啓而視之已亡見矣後數日果  
拜中書侍郎平章事 鳥獸續考余魯見一胡僧持竹  
器畜蝦蟇數十於中備寸桌數面名之曰讀書蟻每命  
之讀設一席於上若僧席然左右各設弟子席鼓之坐  
一巨蟻跳於師座羣蟻隨列弟子位鼓之讀則蟻師先  
聲羣弟子應聲而鳴宛若一堂書聲也鼓之止鼓之入  
則巨者先止先入

**名類**

本草蝦蟇一名蟾蜍一名醜一名去甫一名苦

**蠶**

淮南子鼓造辟兵壽盡五月之望注鼓造蝦蟇也

孫綽漏刻銘靈蚪吐注陰蟲承瀉注陰蟲蝦蟇也



南齊書下彬蝦蟆云紆青拖紫各為蛤魚治聞記  
蝦蟆大者名田父能食蛇蛇行田父逐之蛇不得去田  
父銜其尾久之蛇死尾後數寸皮不損肉已盡矣文  
字集略輪蝦蟆大如履能食蛇游宦紀聞德興有  
毛山環三州界廣袤數百里每歲間山旁人夜持火炬  
入深溪或山洞間捕大蝦蟆名曰石撞神仙傳益州  
北平山有白蝦蟆謂之玉芝非仙才靈骨莫能致也  
茅亭客話蜀有村夫鬻白蝦蟆甚大兩目如丹皆云肉  
芝也有醫工買歸慮其走逸以大石白合於地至曉石  
白透明如竹籠醫工駭愕齋沐負鎗挈蟾辭家入青城  
山不知存亡酉陽雜俎竈無故自濕者赤蝦蟆名鉤

注居之去則止

山海經蠶山湖水東流其中多活邱師注即蝦  
蚪也爾雅科斗活東疏蝦蟆子也一名科斗一名活

東頭圓大而尾細古文似之古今注科斗一名玄針  
一名玄魚形圓而尾細間雷則尾脫脚生也埤雅科

斗逢月大盡生前兩足小盡生後兩足  
春秋孔演圖蟾蜍月精也埤雅蟾蜍吐生腹

大背黑皮上多瘕磊跳行舒遲本草蟾蜍肪塗玉則  
刻之如蠟故云能合玉石但肪不可多得取肥者剉煎

膏以塗玉亦軟滑易裁古玉器有奇特非雕琢人工者  
多是昆吾刀及蟾蜍肪所刻也衍義蟾蜍骨間白汁

各文鏡秘府論昆蟲類 蟾蜍



謂之蟾酥。爾雅疏鼃鼃一名蟾諸郭云似蝦蟆居陸地淮南謂之去蚊然則蟾諸非蝦蟆但相似耳。蟬史諸書皆分蝦蟆蟾蜍為二物以為蟾蜍大腹癩背不能跳躍亦不善鳴蝦蟆小於蟾蜍能跳接百蟲善鳴然予村居無事細視科斗漸大脫尾生足而登陸至四五月則居稻田內好鳴能跳接百蟲而食之經年方老好居人家下濕地夏夜則出拾蟲而不能跳矣亦不鳴聒人呼為蛤霸其實一物老幼殊質春夏異時遂分為二也。五中記蟾諸生角者食之壽千歲。張衡靈憲拜請不死之藥於西王母嫦娥竊之以奔月將往攸塗之於有黃有黃占之曰吉翩翩歸珠獨將西行逢天晦芒毋

驚毋恐後且大昌嫦娥遂託身於月是為蟾蜍。抱朴子萬歲蟾蜍頭上有角額下有丹書八字體重以五月五日中時取之陰乾百日以其足畫地即為流水帶在左手於身辟五兵若敵人射已者弓弩矢皆反還自向也。研北雜志陳聖觀問宋炤說蟾蜍三足與蛙不同炤既去乃得枯者於貨藥擔上以示聖觀乃一軀殼實之以木屑視之三足特長如尾而有距世所節為視滴者或不盡似也。太平清話正和二年夏四月新安蟾蜍背生芝草時農夫汲水於龍淵之津觀此一蟾望日而拱已而視之則其背生芝凡十五葉葉間有異草蒙茸蒼翠歲寒不彫。自然論蟾蜍擲糞自其口出。西



陽雜俎土櫛榔狀如檳榔在孔穴間得之新者尤軟相傳云蟾蜍矢也能已毒瘡會編一種蟾大而黃色多在山石中藏蟄能吞氣飲風露不食雜蟲謂之山蛤蟬史山蛤一名石蟪又名石蟪生深山谷中遇南風則出背黑色身磊兩股甚長孝豐人珍之為上品連皮蒸熟味在于皮

蜥蜴附蛤蚧

方言秦晉西夏謂之守宮或謂之蠱蠃或謂之刺易其在澤中者謂之易蜥南楚謂之蛇醫或謂之蠖蠖東齊海岱之間謂之蜺蜺北燕謂之祝蜺說文蠖蠖蛇醫以注鳴者也在草曰蜥蜴在壁曰蠃蠃蠃蜺守宮也

通雅蜥蜴總曰蠃大者曰山龍子綠木曰蠃蜺在草曰蠖蠖在屋曰守宮陶弘景本草形大純黃色者名蛇醫亦名蛇舅似蛇醫而小尾長見入不動者名龍子小而五色尾青碧者名蜥蜴小而綠牆壁色黑者名蠃蜺吳人呼為壁虎舌今注蠃蜺善上樹捕蟬食之其長細五色者名為蜥蜴短大者名蠖蠖一曰蛇醫大者長三尺其色立紺善螫人一名立蠖一曰綠蠖北戶錄蜥蜴一曰蛇師埤雅蜥蜴十二時變色舊說蛇體有傷此輒銜草傳之故有蛇醫之號也今俗謂之蠃虎喜緣籬壁者是二酉餘談一人為蛇傷痛苦欲死見一小兒來曰可用兩刀在水內相磨取水飲之神效言畢化為綠



蟪走八壁孔中其人如方卽愈因號綠蟪爲蛇醫 漢  
書東方朔傳武帝置守宮孟下合朔射之朔口臣以爲  
龍又無角謂之爲蛇又有足跂跂胍胍善緣壁是非守  
宮卽蜥蜴注守宮蟲名也術家云以器養之食以丹砂  
滿七斤擣治萬杵以點女子體終身不滅若有房室之  
事則滅矣言可以防閑淫逸故謂之守宮今俗呼爲辟  
宮辟亦相禦之義耳 文呂雜錄守宮其形大槩類蜥  
蜴足短而加潤亦有金色者秦始皇時有人進之云能  
守鑰人不敢竊發鑰故名之曰守宮由此也又云致於  
宮中宮人之有異志者卽吐血汚其衣或曰以守宮繫  
宮人臂守宮吐血汚臂者有淫心也秦皇則殺之 物

類志蝮蜴五色具者雄不備者雌 曹叔雅異物志魚  
跳躍則蜥蜴從草中下稍相依近便共浮水而相合事  
竟魚還水底蜥蜴還草中 酉陽雜俎王彥威嶺南之  
二年夏旱李玘過汴因宴王以旱爲慮李醉曰欲雨甚  
易耳可求蛇醫四頭十石甕二每甕實以水浮二蛇醫  
覆以木蓋密泥之分置於闇處瓮前設席燒香選小兒  
十歲已下十餘令執小青竹晝夜更擊其瓮不得少輟  
王如其言試之一日兩度雨大注數百里舊說龍與蛇  
師爲親家 羣書考索熙寧十年四月中書門下言御  
前降到蜥蜴祈雨法排辦其法捕蜥蜴十數枚置之甕  
中漬之以雜木葉選童男數十人衣青衣青塗面及手



足仍持柳枝沾水散灑且呪曰蜥蜴蜥蜴興雲吐霧雨  
今霧霽汝今歸去如是者晝夜嬰繞而言是月十八日  
依法爲之至二十夜雨傳載畧武肅於院中令老姥  
監直聽更有大蜥蜴沿油缸而吸視之將竭倏然不見  
明日王曰昨夜夢麻膏充腸而飽是何祥也宮中或有  
對者王亦微哂而已

**蛤蚧**

方言桂林之中守宮大而能鳴者謂之蛤蚧

物類志蛤蚧皮粗口大身小者雄口銳尾小身大者雌  
北戶錄蛤蚧首如蟾蜍背綠色上有黃斑點若古錦  
文長尺餘尾絕短其族則守宮蜥蜴蠃蜒多居古木竅  
間自呼其名聲絕大本草蛤蚧狀類蠃蜒蟻首細鱗

長尾生嶺南在古牆壁及榕木間一雌一雄行常相隨

蘇頌圖經

蛤蚧欲得首尾全者俟於榕木間物類

相感志蛤蚧長二三尺許小者一尺已下其狀與守宮  
不殊夜行每鳴自呼南民云蛤蚧生一歲每鳴一聲二  
歲二聲有至十聲者土人以老蛤蚧尤重之北戶錄  
蛤蚧或曰一年一聲驗之非也端州大廳有蛤蚧州吏  
云多年至今每鳴或三聲或一聲不定也海錄蛤蚧  
大月三聲小月兩聲

**果蠃**

爾雅疏果蠃一名蒲盧卽細腰蠃也俗呼爲蠃螬鄭注  
中庸以蒲盧爲土蠶說文云細腰土蠶也天地之性小

各以爲異

昆蟲類

蛤蚧

果蠃

蠃



腰純雄無子螟蛉一名桑蟲一名桑蠅一名戎女果蠃  
取而附之於木空中七日而化為子揚雄法言螟蛉  
之子瘞而逢螺贏祝之曰類我類我久則肖之矣詩  
疏螟蛉者捷為文學曰桑上小青蟲也似步曲其色青  
而細小或在草葉上螺贏似蜂而小腰取桑蟲負之於  
木空中或書簡筆筒中七日而化為其子里語曰呪云  
象我象我埤雅果蠃土蜂也好禁蜘蛛捶泥作房如  
併竹管取桑蟲負之今呼大蠶啖子地中作房者亦曰  
土蠶非此細腰土蠶也酉陽雜俎蠨螋好窠於書卷  
或在筆管中祝聲可聽有時開卷視之悉是小蜘蛛大  
如蠅虎旋以泥隔之不獨負桑蟲也捫蝨新話遜齋

開覽以螺贏蠨螋蒲盧為三種銜泥營窠於室壁間者  
名螺贏穴地為窠者名蠨螋窠於書卷或筆管中者名  
蒲盧格物總論螺贏所負不但螟蛉或螻子礫而斃  
之因產一小卵於其上俟其卵化而成形漸食所負之  
蟲久乃寢大生翼飛去脚氣集螺贏取螟蛉產子於  
其身上借其膏血以為養螺贏大螟蛉枯非變化也  
雷青曰札螺贏凡細蟲皆可負去必齧死之而寄生一  
子於其上積四五蟲乃以泥封之久之卵得其氣而生  
其初生也必食其蟲俱盡則可以封而出戶矣五  
雜組螟蛉有子螺贏負之謂負他子作己子也故人以  
過房子為螟蛉此語相沿至今然螺贏實非取他物為

昆蟲類 果蠃



子也。廼放卵窠中而殺小蟲以飼之耳。陶隱居爾雅注云：螻蛄銜泥竹壁及器物作房生子如粟米，乃捕取草上蜘蛛滿中塞之，以俟其子為糧。此語鑿鑿有據，足破千古之誤。且詩但言螻蛄負之，未言其作已子也。則揚子雲類我之說誤之也。

蜘蛛

附蟪蛄

蟪蛄

爾雅疏：蠶、蠶、蠶別名也。一名蠶。蠶今江東呼蠶。齊人又呼社公，亦言網公。其在地中布網者名土。蠶、蠶其作網絡幕草上者名草。蠶、蠶也。方言：蜘蛛自關以西秦晉之間謂之蠶。蠶自關以東趙魏之間謂之蠶。蠶或謂之蠶。蠶北燕朝鮮冽水之間謂之蠶。蠶。本草：蜘蛛赤

斑者俗名絡新婦。格物總論：蜘蛛大腹深灰色，多於空中作圓網，然亦數種。有赤斑者，有五色者，有大身上有刺毛者，有薄小者，惟在屋西面有網，身小，尻大，腹內有蒼黃膿者為真。其大者身運數寸而跨長數倍，其網羅竹栢盡。廣志：蜘蛛有在器下者，有以絲在籬落間緣壁捕蠅者。魏志：蜘蛛布網如罽，其絲右繞，今磨旋蔓牛，口循右而轉，自然之理也。西京雜記：蜘蛛集而百事亨。李德裕善徵論：凡人將有喜事，蜘蛛必垂於司景。酉陽雜俎：晉士許象之言，以盆覆寒食飯於間室，蜘蛛身悉化為土。蜘蛛。酉陽雜俎：裴旻山行有山蜘蛛，世一玉絲如疋布，將及旻旻引弓射却之，如車輪。

昆蟲

蜘蛛

三



因斷其絲，懸尺蠖之部下，有金瘡者，剪方寸貼之，血立止。  
一獸續考：海蜘蛛，巨若丈二車輪，文具五色，非大山深處，伏處游絲，鹽中半若緝纜，晨輝照耀，光燄燁燁，其髮如網，蜘蛛益吐絲如縞，霞纏糾，卒不可脫，其髮乃就食之，舶人欲樵蘇者，率百十其徒，末炬而遇，絲輒燃，紅遍山谷，如設庭燎，蜘蛛潛愈，邃密，惟恐其及也。或云：其皮為履，不航而涉，豈其然歟。  
詞林海錯：蜘蛛大者可以食，牙晉公子重耳與五臣見於八澤，中出符子。  
天中記：江寧城南鐵佛寺內有蜘蛛，六世唐時有紅白二蜘蛛化為妖婦，以媚人，故壽徽佛飾之。  
玉堂閒話：泰岳之麓有岱岳觀樓殿，咸

古制年代寢遠，一夕大風，有聲轟然，響震山谷，及旦，觀卽經樓之改也。樓屋徘徊之中，雜骨盈車，有老蜘蛛在焉，形如矮腹，五升之茶鼎，展足則周數尺之地矣。先是側近人家亡失幼兒，不討其數，蓋悉罹其害也。蓋布網於上，或遭其粘，庶糾而不能自解，則遭害矣。於是觀主命薪以焚之，臭聞十餘里。  
酉陽雜俎：唐元和中，蘇淮游逢鵠山，裏糧鑽火境，無遺趾，忽謂妻曰：我行山中，都倒巖有光如鏡，必靈境也。明日將投之，今與卿訣，妻子號泣，止之不得，及明遂行。妻子領奴婢潛隨之，入山數十里，遙望巖有白光，圓明徑丈，蘇遂逼之，纒及其光，長叫一聲，妻兒遽前救之，身如繭矣。有黑蜘蛛大如

昆蟲類 蜘蛛



鉛銖走集巖上奴以利刀決其網方斷蘇已腦陷而死  
妻乃積柴燒其巖臭滿一山 金樓子 楚國龔舍初隨  
楚王朝宿未央宮見有赤蜘蛛大如粟四面縈羅網有  
蟲觸之而死者退而不能得出焉舍於是掛冠而退時  
謂舍為蜘蛛隱 天寶遺事 帝與貴妃每至七月七日  
夜在華清宮游宴時宮女輩陳瓜花酒饌列於庭中求  
恩於牽牛織女星各捉蜘蛛於小合中至曉開視蛛網  
稀密以為得巧之候密者言巧多稀者言巧少民間亦  
效之

詩疏 蠨蛸長跣一名長脚 荆州河內人謂之喜  
母此蟲來著人衣當有親客至有喜也 幽州人謂之親

客亦如蜘蛛為網羅居之

爾雅疏 小籠籠長脚者一

名蠨蛸一名長跣俗呼為喜子 詩東山 云蠨蛸在戶

採蘭雜志 昔有母子離別母每見蠨蛸垂絲著衣則曰  
子必至也果然故名曰喜子子思其母亦然故號曰喜  
母均之一物也

山堂肆考

壁錢蟲似蜘蛛而身扁作白幕如錢

著壁間俗呼為壁繭其抱子隔幕而伏生子百數拆幕  
而出一名扁蟪一名壁鏡 事物原始 壁繭蟪子也一  
名壁蟪能捕蠅作窠於門壁之上其結窠似幕其圓大  
如錢

山堂肆考

螿蟪一名顛當形如蜘蛛穴土為巢

各文竟原示凡

昆蟲類 蠨蛸 壁繭 顛當 螿蟪



西陽雜俎 顛當窠深如蚓穴網絲其中土蓋與地平  
大如榆莢常仰押其蓋伺蠅蠖過輒翻蓋捕之纔入復  
閉與地一色竝無絲隙可尋也其形似蜘蛛爾雅謂之  
玉蛺蛴鬼谷子謂之蛛母秦中見童戲曰顛當顛當牢  
守門蠅螭冠汝無處奔

蚰蟪 格物論能於空中作懸網狀如魚骨者名蚰蟪

陶隱居本草 蚰蟪在孔穴中及草木稠密處作網如  
蠶絲為幕絡何蠅蚘觸網則出擒食之形如蠅虎身有  
毛斑

格致鏡原卷九十八終

格致鏡原卷九十九

昆蟲類四

蛇

總論 張奐疏 蛇能屈伸配龍騰蟄 賈公彥疏 紆行

者即蛇也 淮南子 蛇無足而行 埤雅 蛇盤常向王

地王北方也蛇以眼聽語曰蛇聾虎體 內典 辨蛇維

雌以細軟物停著上其躁媿者當知是雌住不動者當

知是雌如雜寶藏經律云白氈試蛇去住不同也 搜

神記 千歲之蛇斷而復續 地鏡圖 金寶化青蛇 晉

書 武庫封閉甚密其中忽有雉雌張華曰此必蛇化為

雉也開視雉側果有蛇蛻焉 異苑 晉太元中汝南人



入山伐竹見一竹中蛇形已成枝葉如故又吳郡桐廬人常伐餘遺竹見一竹竿維頭頸盡就身猶未變此亦竹為蛇蛇為維也  
〔廣博物志〕蛇食茄則醉  
〔後山談叢〕王沂公之先為農與其徒入山林以酒行既飲先後至失酒額草間有醉蛇倒而為之得酒與血怒而飲焉昏閉倒臥明日方醒視背傍積蝨成堆自是無蝨終身又李公擇家有坐化蛇  
〔倦游雜錄〕嶺南人好啖蛇易其名曰茅鱗  
〔水經注〕武強縣人有行於道見一小蛇疑其有靈持而養之名曰擔生長而吞噬人  
〔廣博物志〕山中有大蛇冠幘者名曰升卿呼其名則吉  
〔抱朴子〕巳日山中稱寡人者社中蛇也  
〔酉陽雜俎〕蛇鬼名

例石圭一名塵  
〔山堂肆考〕蛇草如常饑每得食稍飽輒復蛻殼冬輒含土入蟄及春出蟄則吐之圓重如石謂之蛇黃  
〔本草經〕蛇蛻一名龍子衣一名蛇符  
〔造化權輿〕蛇易皮  
〔莊子〕卿且甘帶  
〔注〕帶小蛇也卿蛆喜食其眼  
〔西使記〕骨篤犀大蛇之角也解諸毒  
〔異苑〕丹陽鍾忠以元嘉冬月晨行見有一蛇長二尺許紋色似青琉璃頭有雙角白如玉感而畜之  
〔瓊碎錄〕倒拖蛇不出以針割其尾即出  
〔五雜俎〕蛇油可合硃砂能令印色隱然不蘸  
〔廣博物志〕宋元嘉中廣州有三人共在山中伐木忽見石窠有三卵大如升取煮之湯始熱聞林中如風雨聲須臾一蛇大十圍長四五丈逕來



湯中銜卵而去三人未幾皆死太平廣記趙延禧云

遭惡蛇虺所螫處帖艾炷當上灸之立差不然即死

朝野僉載種黍來蛇燒穀羊角及頭髮則蛇不敢來

事物原始西京賦水人弄蛇注水人俚兒也能禁錮弄

蛇其事始於漢時楊慎外集山海經云有黑人虎首

鳥足兩手持蛇方啗之今南中有夷名娥昌其人手持

蛇啗之其採樵歸籠中捕蛇數十蛇亦不能去不知何

術也疑即此類搜神記隋侯姓祝字元暢往齊國見

一蛇在沙中頭上有血隋侯以杖挑放水中而去後回

至蛇所乃見蛇銜一珠來隋侯不敢取夜夢踏一蛇驚

覺乃得雙珠埤雅蛇珠蛇所吐也語曰蛇珠千枚不

如一玫瑰言蛇珠賤也武陵記壺頭山邊有石窟即

馬援所穿室也室內有蛇如百斛船大云是援之餘靈

也廣州記晉興郡路側五六里有一物大百圍長數

十丈行者過視則往而不反積年如此失人甚多董奉

從交州出由此嶠見之大驚曰此蛇也往行旅施符勅

經宿往看蛇已死矣白骨積聚成山豫章記永嘉末

有大蛇長十餘丈斷道人有過者輒以氣吸引取之吞

噬已百數道士吳猛與弟子數人往欲殺蛇蛇藏深穴

不肯出猛符南昌社公蛇乃出穴頭高數丈猛緣尾登

背以足按蛇頭著地弟子於後以斧殺之猛曰此蛇是

蜀精南史梁武帝與宮人幸立洲苑見大蛇盤屈於



道羣小蛇繞之竝黑色官人曰恐是錢龍帝以錢十萬貫鎮於蛇處以厭之  
朝野僉載開元四年六月郴州馬嶺山側有白蛇長六七尺黑蛇長丈餘須臾二蛇鬪白者吞黑蛇到粗處口兩盞皆裂血流滂沛黑蛇頭人嚙白蛇肋上作孔頭出二尺餘俄而兩蛇竝死後十餘日大兩山水暴漲漂破五百餘家失三百餘人  
北夢瑣言先化中楊守亮鎮褒日有一蛇橫斜谷嶺路高七八尺莫知其首尾四面小蛇翼之無數每一拖身卽林木摧折殆旬半方過盡阻絕行旅因聚草焚燎路隅慮其遺毒然後方行明年楊伏誅

爾雅騰騰蛇註龍類也能興雲霧而游其中

鬼谷子騰蛇一名神蛇亦曰靈蛇  
說林訓騰蛇游霧而擊螂蛆  
陰陽自然變化論騰蛇聽而有孕  
埤雅騰蛇雄鳴於上風雌鳴於下風而風化  
以上爾雅  
王蛇註蟒蛇最大者故曰王蛇  
郭璞贊惟蛇之君是謂巨蟒小則數尋大或百丈  
述異記蟒蛇目圓  
晉書趙王倫篡位殿上有大蟒及小蟒耳間垂肉似重孝幘小蟒亦然  
梁武懺序郗氏梁武帝后也崩數月帝居寢殿聞外騷率聲視之乃見一蟒盤躡上殿睽睛呀口向帝帝驚駭蹶起曰官殿嚴警非爾類所生之處豈妖孽欲崇朕耶蛇人語曰蟒昔郗氏也妾以生存嫉妬損物害人死以是罪謫爲蟒耳  
以上嶺表錄異  
蛇

各說靈蛇九昆蟲類



大者五六丈圍五六尺以次者亦不下三四丈圍亦稱是身斑文如錦纈里人云春夏多於山林中等麋鹿過則銜之自尾而吞唯頭角礙於口外即深入林樹間閣其首伺鹿壞頭角墜地鹿身方嚙入腹如此後蛇極羸弱及其鹿消壯後悅澤勇健於未食鹿者或云一年則食一鹿水經注交州山多大蛇名曰蝮蛇長十丈圍七八尺常在樹上伺鹿獸鹿獸過便低頭繞之有頃鹿死先濡令濕訖便吞頭角骨皆鑽皮出山夷始見蛇不動時便以大竹籤籤蛇頭至尾殺而食之以爲珍異故楊氏南裔異物志曰髯惟大蛇既洪且長采色駿犖其文錦章食仄吞鹿股成養劓實享嘉宴是豆是觴言其

養劓之時昉映甚肥也華夷鳥獸考蝮蛇大者如柱長稱之其膽入藥南人腊其皮刮去鱗以鞣鼓蛇常出逐鹿食寨兵善捕之數輩滿頭插花趨赴蛇喜花必駐視漸近競拊其首大呼紅娘子蛇頭益逸不動壯士大刀斷其首衆悉奔散遠伺之有頃蛇省覺奮迅騰擲傍小木盡拔力竭乃斃數十人昇之一村飽其肉滄樣餘錄蝮蛇產於山中其皮中州市爲綴樂器之用其膽爲外科治瘡癰之珍藥然亦肝內小者爲佳此地兼產山馬其狀如鹿特大而能作聲尾更板濶與鹿稍異蝮蛇常捕吞之從後脚而入雖角實大二倍於鹿毒氣呵及卽時解脫初吞時亦不能轉動略向水次伸舒消



盡無餘矣。途人卒然相值，雖持木棍亦將無施解事者。執指大蛇皮木在手，一揮卽止，可見物貴得其制，不在操利器也。  
淮南子：越人得蝮蛇，以爲上肴，中國得而棄之。  
埤雅：蝮蛇可食，尾圓無鱗，身有斑文如故暗錦，纒難死，似鼉行地，常俯其首，膽隨日轉。上旬近頭，中旬在心，下旬近尾。  
朝野僉載：泉建州進蝮蛇膽，五月五日取時，膽兩柱相去五六尺，擊蛇頭尾以杖於腹下來，去卽之，膽卽聚以刀割取，藥封放之，不死復更取看，肋下有痕卽放。  
嶺表錄異：蝮蛇膽狀若鴨子，大切取之，復內肝腹中，以線縫合，割口蛇亦復活，昇歸放於川澤，其膽蒸乾以充土貢，或云蛇被取膽，他日見捕者則遠。

遠側身露腹，瘡明已無膽，以此自脫。  
五雜俎：蝮蛇大能吞鹿，惟喜花草。婦人山中有藤，名蝮蛇藤，捕者簪花衣紅衣手藤，以往蛇見輒凝立不動，卽以婦人衣裳蒙其首，以藤縛之，其膽護身，隨擊而聚，若徒取膽者，以竹擊其一處，良久利刀割之，膽落矣。其膽噲一粟於口，雖拷掠百數終不死，但性大寒，能萎陽，令人無子。  
華夷鳥獸考：蝮蛇膽陶隱居云：此蛇出晉安，大者三二圍，在地行住不舉頭者是真，舉頭者非真。圖經曰：此物極多，爲欲試之，剔取如粟米許，著淨水上，浮游水上，回旋行走者爲真，其徑沈者諸膽血也。試之不可多多，亦沈矣。膏之真者，皦皦如梨豆，子他蛇膏皆大如梅李子，此爲別。



也。括志：蝮蛇，牙長六七寸，土人尤重之，云辟不祥。利遠行，賣一枚，直牛數頭。〔朝野僉載〕：泉州有客盧元，欽染大風，唯鼻根未倒，屬五月五日，官取蝮蛇膽，欲進，或言肉可治風，遂取一截，蛇肉食之，三五日頓漸可，百日平服。〔鳥獸續考〕：明武宗初年，嘗宿豹房，劉瑾等以蝮蛇油，萎其陽，是以不入內宮。以上〔爾雅〕：蝮虺，博三寸，首太如擘，註：身廣三寸，頭大如人擘，指此自一種，蛇名爲蝮虺。〔埤雅〕：蝮蛇，怒時毒在頭尾，蝮與虺異，虺如土色，所在有之。蝮蛇鼻反，其上有鉞，錦文衆蛇之中，此獨胎產，生輒坼，副母腹亦有與地同色者，舊云鳩食之。〔柳宗元〕：蝮蛇文曰兼蝮，蝮色溷泥塗其頸，蹙惡其腹。

次且，塞鼻，鉤牙，穴出，榛居，蓄怒而蟠，銜毒而趨。〔事物紀原〕：蝮蛇，細頭，大頭，焦尾，色如綬，傳文間有毛似豬鬣，鼻上有針，大者七八尺，又名反鼻，名彙。〔柳州集〕：蝮蛇善伺人，聞人咳喘，步驟輒不勝其毒，挺取巧噬，肆其害，或不得於人，則愈怒，反齧草木，草木立死，後人來觸，死莖猶墮，指擊，臍腫，足爲廢病。〔抱朴子〕：蛇類多，唯有蝮蛇中人至急，一日不治，則殺人，若不曉方術而爲此蛇所中，但以刀割肉投地，其肉沸如火炙，須臾，焦盡，而人得活也。又曰：帶武都雄黃色如雞冠者，五六兩以入山林，則不畏蛇，蛇若中人以少許末，沫之，雄黃入瘡中，立愈。此廣成子教黃帝之道。〔朝野僉載〕：山南五溪，黔中



皆有毒蛇烏而反鼻蟠於草中其牙倒勾去人數步直  
來疾如繳箭螫人立死中手即斷手中足即斷足不然  
則全身瘡爛百無一活謂蝮蛇也有黃蝮蛇好在舍上  
無毒不害人唯善食毒蛇食飽垂頭直下滴沫地噴起  
變為沙蟲中人為疾額上有大王字衆蛇之長常食蝮  
蛇以上陳巖蛇譜九蛇尾秃而色黑帶綠腹赤蛇  
中之最毒者也不畏人見人故遲遲行齧者治少緩即  
斃鄰幾雜誌毒蛇斷頭猶能聽以噬人聞人野話  
景煥為壁州白石令行涉巴嶺達王女廟有巨虺巨  
其前徑可七尺餘鱗甲不啻門許大頭尾垂在山下  
惟聞折木震響山谷從者驚駭莫能前進於是且駐山

木至錄卷之六

穴因登高望之竟日方見其尾格物論虺與蝮又自  
一種蝮黃黑色黃領尖口毒最烈虺形短而扁毒不滅  
於蝮虺以上爾雅疏蝮蝮虺之屬大眼有毒一名跌  
又名蜚淮南人呼蜚者是也蛇譜脆蛇產貴州土  
司中長尺有二寸圓如錢嘴尖尾秃背黑腹白暗鱗點  
點可玩也或白如銀見輒躍起數尺跌為十二段須  
臾復合為一不知者誤拾之即寸斷兩端俱生頭齧人  
即斃出入往來恒有度捕之者置竹筒於其徑側則不  
知而入其中急持之可完稍緩則碎矣故名曰脆暴  
乾能已風去厲視其身上中下以治人之頂腹脛罔  
不効兼可接斷骨潛確類書脆蛇一名片蛇出雲南

各文意原卷之七 昆蟲類 蛇



六侯禦夷州長二尺許遇人輒自斷為三四人去則復續乾之治惡疽腰已上用首以下用其尾窮神秘苑淮南子云神蛇自斷其身而自相續煬帝遣人於嶺南邊海窮山求此蛇數四而至洛下長可三尺色黃黑其頭錦文全似金色不能毒人解食肉若欲令自斷其身者則先觸之令怒使不任其續毒則自斷為三四其斷之處如刀截焉見其皮骨文理亦有血焉然久怒定則三四斷稍稍自相就而連續體復如故亦似不相斷隋著作郎鄧隆云此靈蛇一類自斷不必千歲也北戶錄蛇肉食之辟蠱毒其膏浴傳不利人其皮可鞞鼓今潮州和蘇為之聲絕鳴與象皮鼓相類蛇譜火蛇

吐火如彈中雀為食長七八尺八九尺不等從無滿丈者色赤有兩角本草金蛇無毒形狀大如中指長許常登木飲露作金色照日有光能解金毒人中金毒者令其合瞑納銀口中含至曉銀變金色者是又有銀蛇能解銀毒物類相感志錫蛇出黔南桂州其小麤如大指長尺許鱗甲上有金銀星解南土蠱毒蛇譜絲蛇夔州府蛇到退地方間有之長八尺圍一尺能吐絲作網大數畝蛇居其中如龍奮然候物入其中即擒吞之人以觸其絲則躍出齧斃山海經注未昌出鉤蛇長數丈尾岐在水中鉤取岸上人及牛馬啖之寰宇記九真長江水有鉤蛇食人若殺此蛇則當令死如



不死則尋追報人終不已也。雖復人衆中往取害之者，萬不一失。蛇譜：環蛇出三佛齊國，如環大數圍，至數十圍者，逐獸則疾走如轉車輪於千仞之山，獸入環中，卽斃其口，眼俱生環之半，與尻相對。國人收其脂作藥，服之刀劍不能傷。又橋蛇長八九尺，或六七尺，色青如竹尾，禿以首尾行如橋，然首先發而尾後縱，又如弓狀，疾如奔馬，能掩捕飛鳥。廣東雷州山中頗多，不害人。賢奕編：申王有肉疾，腹垂至胛，每出則以白練束之。至暑月嘗解息，不可過。玄宗詔南方取冷蛇，長數尺，色白，小螫人，執之冷如握冰。申王腹有數約，夏月置於約中，復覺煩暑。祝穆方輿勝覽：鱗蛇出安南、雲南、沅江。

兩處巨蟒也，長丈餘，四足有黃鱗黑鱗二色，能食麋鹿。春冬居山，夏秋居水，能傷人。土人殺而食之，膽入藥黃鱗者良。蛇譜：介蛇長五六尺，有黑白兩種，尾繫殼如蚌，倦則蟠殼中，行則拖殼如飛，專食草中蟲，不害人。出天方國。錄異記：爆身蛇長一二尺，形如灰色，聞人行聲林中飛出，狀若枯枝，橫來擊人中者皆死。山堂肆考：犁頭蛇頭似犁頭，尖嘴大領，螫人必死，亦好伏地而行。五雜俎：嶺南多蛇，人家承塵屋霑蛇，日夜穿其間而不齧，人人亦不懼也。聞有人面蛇者，知人姓名，晝則伺行人於山谷中，呼其姓名，應之則夜至殺其人。然主家多蓄蜈蚣蛇，至近則蜈蚣籠中奮擲，縱之出，往往昨



蛇 蛇譜人面蛇雌者狀如美婦人項下有兩足如人手十指俱具雄者有鬚而色綠長數仞雌雄交則鳴吼善搏虎畏狐見狐則蒲伏不敢動狐從容齧其尾血出則蛇死呼羣狐負之歸穴以為飯緬甸阿哇占城交阯及八百媳婦國諸山俱有 朝野僉載嶺南有報寬蛇人觸之三五里隨身即至若打殺一蛇則百蛇相集將蜈蚣自防乃免 五侯鯖吐光蛇出惠州宋科舉年吐異光一團則一人登科二團則二人登科 錄異記雞冠蛇頭如雄雞有冠身長尺餘圍可數寸人必死會稽山下有之 蛇譜豹皮蛇濶三尺長五尺厚三寸形長而方伏草莽如被然有毛斑爛若豹故名豺狼獠

兔踐之即斃斃即吞之畏鶴鶴踐之蛇即斃淳泥國人呼荆奇鑲荆奇鑲者華言毒口蛇也又鳥虎蛇出滇南廣西府土司中高五尺大二圍頭尾俱平如圓木色蒼黑常直立草莽中俟飛鳥過噴唾彈之則墜取以為食土人呼為鳥子虎 輿地志龍溪有盤龍蛇青黑色赤帶錦文隨瀆漢水而入於海有毒傷人輒死 蛇譜人蛇長七尺色如墨蛇頭蛇尾蛇身尾長尺許而人足人手長三尺人立而行出則羣相聚遇人輒嘻笑笑已即轉噬然行甚遲聞其笑即速奔可脫又王蛇滇南近緬山中有之長數里色如黃金蓋數千年矣常隱不常現不害人物以蛇為飯每出小黃蛇千數所止地凡蛇盡



來朝有罪及傷人者輒命羣蛇噬之卽以爲食凡毒蛇傷人者尾必秃所殺者皆秃尾人以是知其討有罪也每殺蛇必留尾以爲號令以其能討惡故曰王蛇蓋蛇之仁武者也又神蛇在梧州三界廟甚靈異每祈禱小青蛇從鬼吏冠袖中出身緣如苔柔擾依人倏忽不知所在有負於神蛇卽至其家雖遠必來人懼而祀之則去或曰有司疑案不能決輒令兩造詣廟探鬼吏冠中蛇理屈者卽齧斃此蛇之聰明正直者也蛇譜富貴蛇色微黃而間以青腹白舌赤齒黑長不過四五尺如穴人家倉園下米粟必多倍於所入其家必發故曰富貴蛇人家有是蛇主人至除夕必設樽俎香燈祀之

孫守率然者常山之蛇也擊其首則尾至擊其尾則首至擊其中則首尾俱至神異經西方山中有蛇頭尾差大有色五彩人物觸之者中頭則尾至中尾則頭至中腰則頭尾並至名曰率然會稽常山最多此蛇唐書西域波斯貞觀十二年初貢獻活禱蛇狀類鼠色正青身長八九寸能入鼠穴捕鼠蛇譜慈曼蛇不齧人卽齧亦無大害與青簫蛇性狀相同青簫者色青而狀如簫也長四五尺三四尺不等二蛇俱善捕鼠水蛇亦然江南蛇多不善浮水惟水蛇善浮水常於水畔捕蚌爲食庶物異名疏益蘭州注云益蘭蛇之稱也初州境山居人見一巨蛇長數十步從穴中出飲河腥聞數



皇因以為名 賢奕編有蛇名高聽常闖入巨蜂房中  
盡收其毒乃出伏道傍莽中伺人過而螫之已尾其人  
至於宅近處緣樹末而竊聽之聞其家有哭聲諗其人  
既斃乃悠然去否則憤憤復集毒螫人如初 柳州集  
永州之野產異蛇黑質白章觸草木盡死以齧人無禦  
之者得而腊之以為餌可以已大風孿踠癘癘去死肌  
殺三蟲 酉陽雜俎南安蠻江至五六月有巨蛇泛流  
登岸首如張帽萬蛇隨之入越王城 山海經巴蛇吞  
象三歲而出骨君子服之已心腹之疾 潯江記羿屠  
巴蛇於洞庭其骨若陵名曰巴陵 玄中記崑崙山周  
三萬里蛇遠之三周長九萬里 山海經幽都之山是

有火蛇赤首白身其音如牛見則其邑大旱 南史倭  
國有獸如牛曰山鼠有大蛇吞山鼠蛇皮堅不可斫其  
上有孔乍開乍閉時或有光射中而蛇則死矣 山海  
經大同之山有蛇各曰長蛇其毛如毳豪其音如鼓柝  
蛇譜鳳蛇產貴州右洲八萬土司中圓如卵有五彩  
文或山水花鳥竹木狀同六合石子人見之無不愛拾  
而撫摩不忍遽舍去少頃得人氣於中心迸出一頭口  
日畢具吐舌如火輪齧人即斃人斃處草木枯槁泥土  
焦裂人不敢由此行皆迂道以避三年始復然其土猶  
毒苗人以竹矢插其處七日夜射人即斃又扁蛇潤五  
寸長五尺厚一寸首尾俱齊色如溫綢五色相錯而方

洛陽鏡原卷十九 昆蟲類 蛇

七



不知者以為手中也口大如斗其行如飛能逐狡兔得兔則生吞之廣西及海南山中間有之又方蛇形如牛皮高五寸縱橫各二尺其色黃黑其行如矢發吐氣如爨烟腥不堪聞見人近輒迸出脊中黑水射之中者立斃粵西近楚山中有之顧渚山記顧渚山頰石洞有綠蛇長可三尺餘大類小指好棲樹杪若鞶帶纏於柯葉間無螫毒見人則空中飛鄴中記甄后既入魏宮宮庭有一綠蛇口中恒有赤珠若梧子大不傷人人欲害之則不見矣每日后梳粧則盤結一髻形於后前后異之因效而為髻巧奪天工故后髻每日不同號為靈蛇髻事物原始菜花蛇綠色江西人捕之以作蛇卦

隨所蟠之形則曰某卦以斷禍福俚俗信之酉陽雜俎藍蛇首有大毒尾能解毒出梧州陳家洞南人以首合毒藥謂之藍藥藥人立死取尾脂反解毒藥山海經神囿之山其下有白蛇北史魏爾朱新興曾行馬羣見一白蛇頭有兩角呪之求蓄牧蕃息自是牛羊駟馬日覺滋盛風俗通馮緄發綬笥有二赤蛇分南北走卜云此吉祥也君當為邊將以東為後果為大將軍遼東太守本草圖經烏蛇一名香蛇背有三稜色黑如漆性至良不噬物多在蘆葦中嗅其花氣或乘南風而吸其蛇烏身光頭眼有赤光腹下有白帶子一條又江東一種名黑梢蛇能纏物至死亦其類也又名烏梢

各文... 昆蟲類 蛇

十四



蛇 〔朝野僉載〕商州有人患大瘋家人惡之山中為起  
茅舍有烏蛇墜酒罌中病人不知飲酒漸差罌底見蛇  
骨方知其由也 〔水經注〕漢水又東合洛谷谷有二源  
多五色蛇性馴良不為物毒 〔東齋記事〕隋王世充討  
李密夜有斑蛇長丈餘向寢屋作聲如牛而吼 〔北戶  
錄〕嘗至雷州對岸倚舟候風勢見羣小兒簇二巨蛇各  
長丈餘一如孔雀尾毛色金翠奪目一如真紅色鮮明  
若血又有十餘頭白蛇前後相次若導從俱入一榕藤  
窟內竟不復去故知蛇有草木水土四種其類不可窮  
也 〔寰宇記〕滇池黃浦江有大蛇名曰青葱好食人  
本草青蛇一名青竹蛇綠色善緣木及竹上此蛇最

猛或於草莽中吐絲成網伺人過則出螫但目盲無見  
又名盲蛇專伺網動以螫人又名竹根蛇大者長四五  
尺尾三四寸有黑點者名燭尾蛇毒尤猛 〔事物紺珠〕  
青靈蛇靈亦作蛤產珠白如玉 〔錄異記〕黃領蛇長一  
二尺色如黃金居石縫中欲雨之時作牛吼聲中人亦  
死四明山有之 〔山堂肆考〕赤蠅蛇赤灰色好吞鼠雀  
亦喜螫 〔一統志〕黃花蛇出溫江長百餘丈神光照三  
百餘步口吐椒梅花香熏灼三十餘里 〔談苑〕施黔州  
多白花蛇螫人必死縣中板簿有退丁者非蛇傷則虎  
殺之也州連蠻獠三月草長蛇盛則蛇防戍至九月草  
衰蛇向螫則又防秋矣居民造毒藥取蛇倒懸之以刀



刺其鼻下以器盛其血第一滴下用以毒人立死故也  
取第二第三四者每血一滴以麪和作四丸中此毒者  
先吐血須臾五臟壅滿潰爛李純之少監云惟朱砂膏  
可治此毒純之以藥救人無數仍刻其方以示土民  
山堂肆考蕪州有白花蛇一名褻鼻蛇諸蛇鼻向下此  
蛇鼻獨向上項有方勝尾有指甲人劃破其腹則自赴  
水中以指甲洗去其腸蟠屈而死可治風疾 華夷鳥  
獸考白花蛇頭長小角絳尾生佛指甲項遶真珠白點  
背纏方勝花紋諸蛇死閉眼睛是則眼開如活舒靳連  
界上殺獲者則兩眼一閉一開驗此可辨偽真性毒善  
螫人足中者輒自斷之補養已痊木接代步 蛇譜飛

蛇大不過錢圍長七八尺不等去頭尺許有兩翅如伏  
翼狀棲於林木往來飛搏小鳥爲食見人輒飛來齧一  
齧卽斃斃則先取以食之然後呼羣蛇共享懼金持寸  
鐵擊之卽不敢來烏沙國人採樵者佩小錐隨行隨鳴  
蛇聞聲則頭腹痛展轉於樹不敢動以毒弩射之則斃  
山海經鮮山多鳴蛇狀如蛇四翼音如磬見則邑大  
旱 蛇譜啼蛇三足前二後一三角中短左右長色紫  
綠白三種長十餘丈善作小兒啼晝則無聲每日落後  
卽啼至旦出烏思藏山中又有歌蛇長五尺大一拱不  
食生物專食山間瓜果之類不齧人人以其不爲民物  
害亦不忍傷也東印土及緬甸永昌界俱有之每至秋



清風明月之夜輒長歌如蛇然有節韻抑揚婉轉儼若  
刻羽流商又鼓子蛇形如鼓圓而且區大至合抱高一  
尺眼目鼻舌俱生平面四川天全土司中有之每風雨  
將至雌雄相應而鳴其聲如鼗鼓大有漁陽三弄之韻  
又百樂蛇出越裳氏國每至春日融和風光淡蕩則出  
聚鳴草莽中或作絲竹聲或作金石聲或為播鼓鳴鑼  
聲或為喇叭長號作天鷲聲簫管琵琶百樂畢備故曰  
百樂蛇國人聞其聲大喜多置酒相賀謂年必豐人無  
疾厄蓋瑞蛇也 山海經陽山多化蛇狀如人面豺身  
鳥翼蛇行音如此呼見則邑大水 山海經泰華之上  
削成而四方有蛇名曰肥遺六足四翼見則天下大旱

又渾夕之山有蛇一首兩身名曰肥遺 蛇謂一角蛇  
黔東粵西山中多有其色赤黑相間赤處如火燿黑處  
如光漆又雙身蛇一頭兩身雌雄自具自為合單日糞  
從雄尾出雙日糞從雌尾出三月則交五月卵生如雞  
卵七月子育九月子成自覓食是蛇長五六尺亦有八  
九尺者不滿丈喜捕鼠及狸出占城國緬甸滇西亦有  
則食魚鰕善泅水面人以其善捕鼠嘗蓄於家然能為  
苗害又五頭蛇一身五頭各有雙目各各吐舌海南山  
中頗多嘗入水捕魚鰕為食 爾雅軹首蛇注岐頭蛇  
也今江東呼兩頭蛇為越王約髮亦名弩弦 南越志  
兩頭蛇無毒夷人餌之 南史紀僧真遭母喪開冢得



五色兩頭蛇。本草兩頭蛇大如指見之令人不吉一頭無目一頭無口二頭俱能行出會稽。嶺表錄異兩頭蛇嶺外多此類時有如小指大者長尺餘腹下鱗紐背錦文一頭有口眼一頭似頭而無口眼云兩頭俱進退亦謬也昔孫叔敖見之不祥乃殺而瘞之恐他人見復受其禍南人見之如常其禍安在。事物原始兩頭蛇兩頭俱能行以薪燒之則足出。嶺南異物志韶州多兩頭蛇為蟻封以避水蟻封者蟻子聚土為臺也蒼梧亦多兩頭蛇長不過一二尺或云蚯蚓所化。明道雜誌黃州有小蛇首尾相類因謂兩頭蛇余視之其尾端類首而非也土人言此蛇老蚯蚓所化無甚大者

其大者不過如大蚯蚓。七修類藁世言有見兩頭蛇者必死弘治間餘杭方萬初過新嶺因倦少憩樹下見蚯蚓白頸者長尺餘蛻於路左須臾出兩頭蛇蟻而

去竟亦無恙。物類相感志按字林云蟬即大蛇也出華回唯啖小蛇及蝮如一張其口蛇蝮即自咬去也格物論一種形類於蛇浮游水上不傷人其名曰蛇婆五雜紀江南有花地遍狀如小蛇螯立殺人嶺南有夜虎此其類也。華夷珍玩考石蛇盤曲似蛇但無首尾內空紅紫著色又如車螺雖與石解類同不知何物所化以左盤者為善

穆天子傳天子遺其靈鼓乃化為黃蛇。韻府

各效竟原卷九 昆蟲類 蛇異



靜江灘中雷公逐一黃蛇人以石投之蛇鏗然有聲乃  
得一銅劍金樓子孔子夢三槐間豐沛市有赤虺起  
呼顏回子夏往觀之見赤蛇化為黃金上有文曰卯金  
刃後高祖起豐沛杜陽編開成初宮中有黃色蛇夜  
自寶庫中出游於堦庭間光彩照灼不可擒捕宮人擲  
珊瑚塊擊之遂并玦而亡去掌庫者具以事告上令徧  
搜庫內乃得黃金蛇而珊瑚玦貫其首上熟視之曰昔  
隋煬帝為晉王時以黃金蛇贈陳夫人吾不知此蛇得  
自何處左右因覩領下有阿廢字上曰果不失朕所疑  
耳阿廢煬帝小字也遂命取玻瓈連環繫於玉莖之前  
足其後更不復見焉以莖能啗蛇也寓簡宣和間蔡

州有一士人家書室中忽然見小蛇文章陸離蜿蜒几  
格間見人不驚畏不敢傷也每日惟巳時則見至年乃  
隱去日日如此士人異之因伺其至則捕之置鐵絲藍  
中逮午視之則堅冷化為石矣其質巧妙天成雖鬼工  
不能加也明日巳時則復蠕動既又復為石而屈伸蟠  
結之狀日日不同士人寶蓄持至京師見中人梁師成  
梁嘆曰此神物造化之所寓也禁中有玉鼠玉兔以其  
時見則其物也士遂獻之梁四公記西海西北有女  
國以蛇為夫男則為蛇不噬人而穴處女為臣妾官長  
而居宮室鳥獸考真臘王宮之中有金塔王夜則臥  
其上土人皆謂塔之中有九頭蛇精乃一國之土地主



也係女身每夜則見王先與之同寢交媾雖其妻亦不敢入二鼓乃出方可與妻妾同睡若此精一夜不見則蕃王死期至矣若王一夜不往則必獲災禍 〔玄中記〕東海蛇邱之地險多漸洳衆蛇居之無人民蛇或人頭而蛇身

格致鏡原卷一百

昆蟲類

蝸 附 蛭 蝸

爾雅疏蝸贏一名蝸喻郭云即蝸牛也按本草蝸牛陶注云生山中及人家頭形似蝸喻但背負殼爾山游經注僕纍蝸牛也 〔古今注〕蝸牛陵螺也形如蝸喻殼如小螺白色生池澤草木間頭有兩角行則觸警則縮首尾俱能藏又殼中盛夏日則自懸樹葉下以其有兩角故名牛一名土蝸一名附贏野人謂圓舍如蝸牛故曰蝸舍亦曰蝸牛之子舍蝸殼婉轉有文章絞縛爲結似螺殼文故曰螺縛童子結髮亦曰螺髻亦謂其形似

格致鏡原卷一百

昆蟲類 蝸 蛭 蝸



螺殼也。莊子注李云蝸蟲有兩角俗謂之蝸牛三蒼云小牛螺也俗名黃犢。埤雅蝸肉中醃內則曰蝸醢是也蝸涎規蝸每為蝸牛所食先以涎畫地規之蝸不復去南方積雨蝸涎書畫屋壁悉成銀迹。西易雜俎。睿宗為冀王時寢壁間蝸迹成大字掃之數日如初及即位雕玉鑄金為蝸形置道釋像前。

山堂肆考蝸喻俗呼涎牛又名涎身有涎好游下濕處頭有二角如蝸牛而無殼。格物總論有二角身止一段肉而無殼者謂之蝸喻。本草蝸喻一名蝸。一名蝸牛亦曰瓜牛。事物原始蝸喻二角蝸牛四角兼背有殼肉負而行則蝸喻蝸牛是二

物矣

蝸

通志蝸蝸糞土中大白蟲也。本草一名蝸。一名蝸。齊一名勃齊。埤雅蝸蝸在糞草中外黃肉黑亦或謂之蝸蝸也。大者如足大指以背行乃駛於脚造化權輿云此豸腹窳蝸蝸背行今俗謂之蝸蝸方言曰蝸蝸謂之蝸。本草蝸蝸一日乳齊一日應條又名地鷲狀似蠶而大身短足長有毛以背滾行於足皆濕熱氣薰烝所化宋齊邱言燥濕相育不母而生久則初化去三教珠英蒿成蝸蝸。庶物異名疏蝸蝸莊子云烏是根所化淮南云烝成論衡云蝸蝸化為復育復育博而

各少... 昆蟲類 蝸 蝸



為蟬 方書蟬蟠黍熟食明目搗生汁滴入耳中去翳障 直室志蟬蟠管化一白衣美丈夫自言齊人曹氏子

蟬蟠

蟬雅蟬一名蟬蟠一名蟬蟠佶屈曲貌以形舉也 爾雅疏蟬之在木中者方言云關東謂之蟬蟠梁益之間謂之蟬上文蟬蟠郭云木中蠹下文蟬桑蠹郭云即蟬蟠然則蟬蟠也蟬蟠也桑蠹也蟬也一也以其白而長故詩人以比婦人之頸頤人云頤如蟬蟠是也 埤雅蟬蟠生於木中內外潔白符子所謂石生金木生蟬是也 本草蟬蟠食木心穿如錐刀身長足短口黑無

毛節至春羽化為天牛

螳螂

禮記仲夏之月螳螂生鄭注螳螂蟪蛄母也 爾雅疏不過一名蟬蟠一名蟬蟠 方言譚魯以南謂之蟬蟠三河之域謂之螳螂燕趙謂之蝮蝮齊杞以東謂之馬穀 說文螳螂一名蚶父 官覺高誘注螳螂世謂之天馬以其蟻首奮臂頸長而身輕其行如飛有馬之象 埤雅螳螂有斧蟲也兗人謂之拒斧其臂如斧奮之當輒不避捕蟬而食執木葉以自蔽蟬將去而未飛為之一前一却莊子曰螳螂執翳而搏之見得而忘其形蓋謂是也世云螳螂所執之翳可以蔽形 正字通螳



螻羽蟲之摯者搖肩搜食他蟲翼下紅翅如翬裳俗謂織緝娘腹中有二蟲如黑線江東呼石螻又名黠胎類從螻螻之氣舍之生火韓詩外傳齊莊公出獵有螻舉足將搏其輪問其御曰此何蟲對曰此螻螂也為蟲知進而不知退不量力而輕就敵公曰此為天下勇蟲矣迴車避之勇士歸焉七修類藁螻螂草蟲也飲風食露感一陰之氣而生能捕蟬而食故又名殺蟲曰天馬言其飛捷如馬也曰斧蟲以前二足如斧也尚名不一各隨其地而稱之深秋生子於林木間一殼百子至此時則破殼而出桑螵蛸是也鄰幾雜志吳春卿云往年學中置一螻於筆格上一旦撲緣

者無數檢月令視之乃螻螂生日也孫炎爾雅正義螻螂深秋乳子至夏之初乃生是也亦生百子如螽斯云爾雅疏螻螂子一名蟬蛸一名蟬蟻一名螻蟻

螻螂

古今注螻螂能以土苞尿轉而成丸團正無邪角一名蝓蝓一名轉丸一名弄丸莊子蝓蝓之智在於轉丸抱朴子玄蟬潔饑不羨蝓蝓穢飽關尹子蝓蝓轉丸丸成而精思之而有蝓白者存丸中俄去殼而蟬彼蝓不思彼蝓奚白埤雅衝波傳曰蝓蝓無鼻而聞香黑甲翅在甲下五六月之間經營穢場之下車走糞丸一前挽之一後推之若僕人轉車久之輒羽化如尸解

各文竟原卷二百 昆蟲類 螻螂



仙去也。格物論：蜣螂，蝓也。黑甲蟲，蝓糞，一種大者，名胡蝓，身黑而光，腹翼下有小黄子，附母而飛行，晝不出而夜出，至人家庭戶中見燈光則飛來，一種小者，身黑而暗，晝出而夜不出，生長沙池澤中，狐遇之必盡食之。醫家以鼻頭瘡者為良，或又以鼻高目深者為良，即所謂胡蝓也。庶物異名疏：天柱蝓，蝓也。見說文。本草：蝓，一名推車，客鐵甲將軍，一名黑牛兒，俗呼矢甲。方書：蝓，蝓治癩癩疾，在陽驚癩，凡箭鏃入骨，用巴豆微炒，同蝓，搗塗發癢，癢極拔簇愈。諸蟲附無名蟲。

埤雅：蝓，大蟲如指似，一名厄。爾雅：蠶，蠶百萬為族。

蠶則獨行，故詩以此獨宿者。管子：夫龍微小則化為蠶。

蠶蠹。廣志：蠶蠹有五采者，香槐蠹，王采有角者甚臭。

山草肆考：蝓，一名蛆，渠，一名馬蚰，一名馬蝓，一名蝓，一名緯骨蟲，一名百節蟲，一名刀環蟲，一名商距，一名

馬軸，一名馬陸，身如槎節，節有細蹙，文蓋百足蟲也。莊

子曰：夔，憐蝓，蝓，憐蝓，言夔以少而羨多，蝓以有而羨無。

蓋蝓無足，夔一足，蝓百足。博物志：馬陸，萬足蟲，蝓之

大者，又名馬軸，中斷成兩段，頭尾各行而去。事物紀

原：珠飛蝓，長五六寸，夏月登樹，鳴冬則蟄。說文：雖，蟲名，

似蝓，場而大。淮南子：蟻知雨至，世謂之猥狗，知天雨

則預於草木及橋下，乾處藏其身矣。物類相感志：蠶



乃代淮南子曰免齧爲蠱許慎云免所齧沫著者爲蠱  
如蠱而斑色能齧人墨客揮犀蠱蟲狀似蟬形小而  
扁隱屋壁及書冊中前有兩長足似蟹螯觸後則旁行  
觸前則卻行有鄭房秀才因揭策見之指撥之爲所螫  
遇良醫治之曰此名蠱不洽殺人通雅蠱音最卽  
蠱蓋之名物類相感志蟬其狀類蜥蜴在水中能吞  
人吞人之後浮出水上若昏醉之狀士人知其食人必  
醉伺以殺之續明道雜志黃州雨後泥中有蟲如細  
蚓長尺餘土人謂之蠱言或人踐之至其所踐處皆坼  
裂五嶽游草一種介人胃中生土一塊土內生稻芒  
針刺心而死名稻田蠱北山遊亦有之事物紺珠十二

時蠱出南海似大蜥蜴一日一夜隨十二時變其色乍  
赤乍黃傷人立死墨客揮犀凡夜食必以燭余一夕  
大醉渴甚取水將飲聞水中有聲急呼燭觀之得一蟲  
如蚯蚓細而長問左右曰水蠱蟲也入腹中食人腸胃  
楊慎外集隋書志云江南之地多蠱以五月五日聚  
百種蟲大者至蛇小者至蝨合置器中令自相啖因食  
入人腹內食其五臟死則其產移蠱主之家若盈月不  
殺人則畜者自踵其害累世相傳不絕自侯景之亂殺  
戮殆盡蠱家多絕既無主人故飛游道路中之則煩焉  
今此俗移於滇中每遇亥夜則蟲飛出飲水其光如星  
鮑照詩所謂吹蠱痛行暉也予親見之范石湖集蠱

昆蟲類 諸蟲



毒在上則服升麻吐之在腹則服鬱金丹下之或合升麻鬱金丹服之不吐則下李巽巖侍郎壽為雷州推官鞠獄得此方活人甚多搜神記曩游道人清苦沙門也剡縣有一家事蠱人噉其食飲無不吐血死游嘗詣之主人下食游依常祝願一雙蜈蚣長尺餘便於盤中跳走游便飽食而歸安然無他風俗通恙毒蟲也喜傷人古人草居露宿相勞問曰無恙廣韻恙蝻蟲善食人心也史通春秋嚴公二十九年有蠶劉歆以為蠶負蠻也劉向以為非中國所有南越盛暑男女同川澤淫風所生是時嚴取齊淫女為夫人既入淫於兩叔故蠶至山堂肆考蠶能飛本生於草八九月知寒多入人

家屋中逃避好以清旦入田中吸稻花日出則散去爾雅疏蠶一名蠶蟹有云蠶蠶一名蠶者非也此蟲一名負盤有以為即負蠻者因草蟲負蠻相涉而誤也韓非子蟲有蛇者一身兩口爭相齧也遂相食因自殺巢元方病源伏蟲長四寸羣蟲之主蛇蟲長五六寸至一尺發則心腹作痛白蟲長一寸色白頭小令人腰疼肉蟲狀似爛杏令人煩悶肺蟲狀如蠶令人咳嗽胃蟲狀如蟊令人嘔逆弱蟲亦名膈蟲狀如瓜瓣令人多唾赤蟲狀如生肉動作腹鳴蟻蟲至微形如菜蟲居腸中令人生癰疽疥癩諸蟲皆依腸胃間氣實則不為害虛則變生諸疾也草木子疥有蟲使明者針而取之



其大不以半粟也膚革完全乃因人氣血不和而化生者續博物志有小蟲至微而響甚尋之卒不可見號竊蟲大如半胡麻有兩角白色振其頭則有聲孟康朝作賦比之鬼魅物類栢感志響蟲人行山慮迷取一枚握手中行路不迷庶物異名疏泥無骨蟲也在水則活失水則醉如泥然故少陵詩先拚一飲醉如泥蠶史泥一名沙噴正字通鼓蟲大如豆光黑浮游水面葛洪肘後方治射工毒成本不能語用豉母蟲一枚口中含之卽瘥本草會編蟻食冬青樹汁久而化爲白脂粉敷樹枝人謂蟲蟲者樹而然至秋刮取以水煮溶濾置冷水則凝結成塊炙文理如石膏而瑩徹

可和油作燭羣芳譜蠶蟲微時白色大如雞風作蠟及老則赤黑色乃結苞於樹枝初若黍米大入春漸長大如雞頭子紫赤色累累抱枝宛若樹之結實蓋蟲將遺卵作房正如雀壅蝶蛹之類俗呼爲蠟種亦曰蠟子子內皆白卵如細蟻一包數百凡寄子皆於夏前三日內從樹上連枝剪下去餘枝獨留寸許令抱木或三四顆乃至十餘顆作一簇或單顆亦連枝剪之剪訖用稻穀浸水半日許漉取水剝下蟲顆浸水中一刻許取起用竹箬虛包之大者三四顆小者六七顆作一包勒草束之置潔淨囊中若陰雨頓囊中可數日天熱其子多併出宜速寄之寄法取箬包剪去角作孔如小葶大仍



用草繫之樹枝問其子多少視枝小大斟酌之枝大如指者可寄枝太細幹太粗者勿寄寄後數日間鳥來啄若樹根有草即附草不復上又防蟻食蟲故樹下須芟刈極淨次行至葉底棲止更數日復下至枝條齧皮入啗食其脂液因作花狀如凝霜〔白獺髓廣中韶陽屬邑鄉中有乳蟲一名土蠅其法掘地成窖以粳米粉鋪入窖中覆以草壅以糞候雨過氣蒸則發開粉化成蛹如蟻蟻狀取蛹作汁和粳粉蒸成乳食味甚甘〕〔五侯鯖〕絲蟲生南寧橫州食楓葉能作絲光明如琴絃〔淮南萬畢術〕竹蟲飲人自言其誠〔高誘注〕以竹蟲三枚竹

黃十枚和勻每用一大豆許燒入酒中令人飲之勿至大醉叩問其事必得其誠也〔正字通〕樟蟲入醋死引其腹中筋長丈餘閩人用以緣蒲葵扇名曰蠶絲〔廣博物志〕蕭慎氏之國有蟲獸首虬身名曰琴蟲〔洪武正韻〕強米〔爾雅疏〕米穀中蠹小黑蟲江東謂之蠶建平人呼蠶〔五雜俎〕余行部至安邱一門人家取草蟲有子者煤黃色入饌余詫之歸語從吏云此中珍品也名蚰子縉紳中尤雅嗜之〔祝允明野記〕公牒列海味名有毛蛭竹蛭〔演繁露〕方言曰蠶蠅謂之尺蠖郭璞釋之曰步屈也步屈云者一步一屈也多在桑上其體質似蠶色灰褐而身瘦長其腹下兩頭有足足亦



如蠶每欲進步先聚屈其體前後幾相連著而脊背橋起直如筭釵兩頭環曲之處也此其所以爲屈也已屈而聚聚已而舒則遂寸寸前進是其所以爲伸也吾鄉俗呼度音蠶度者蠶音之訛也埤雅尺蠖一名蚶蠶似蠶而絕小行則促其腰乃能進步食葉老亦吐絲作室舊說尺蠖之繭化而爲蝶亦猶蛹之變蛾也亢桑子夫俗隨國政之方圓猶尺蠖之於葉也食黃則身黃食蒼則身蒼搜神記南方有蟲名蠹蠹一名蚶蠹又一名青蚶形如蠶而稍大味辛美可食生子必依草葉大如蠶子取其子母即飛來不以遠近雖潛取其子母必知處以母血塗錢八十一文以子血塗錢八十一文一

云母塗錢子塗貫每市物或先用母錢或先用子錢皆復飛歸輪轉無已故淮南子術以之還錢名曰青蚶爾雅蜉蝣渠畧郭璞注似蛄蛻身狹而長有角黃黑色叢生糞土中朝生暮死豬好食之邢昺疏南陽以東曰蜉蝣梁宋之間曰渠畧淮南子蜉蝣不食不飲二日而死詩疏蜉蝣方士語也通謂之渠畧似甲蟲有角大如指長三四寸甲下有翅能飛夏月陰雨時地中出今人燒炙噉之美如蟬也樊光曰是糞中蝎蟲隨雨而出朝生而夕死埤雅蜉蝣似天牛而小翕然生覆水上尋死隨流朝生暮殞有浮游之義故曰蜉蝣也本草衍義蚶蠹濕生蟲也多足色如蚶背有橫文蹙起大



者長三四分磚焚及下濕處多有之 [埤雅] 伊威囊器  
底蟲形似白魚而大爾雅曰伊威委黍一名鼠婦食之  
令人善淫術曰鼠婦淫婦是也亦曰鼠負一名鼠姑或  
謂之鼠粘鼠婦猶鼠姑也鼠粘猶鼠負也因濕化生今  
俗謂之濕生 [鄭箋] 蜘蛛家無人則生 [本草] 蛛蝥似  
小蜈蚣青黑色長足能湧人影一名蠓蝥或曰蛛蝥長  
一寸身有毛長五六分脚多而甚細居屋壁間遇人影  
輒糞之糞著卽生瘡如短狐之溺影也 [爾雅] 蟻術入  
耳 [注] 蚰蜒象蜈蚣黃色而細長案方言云蚰蜒自關而  
東謂之蟻蚤或謂之入耳或謂之蠓蠓趙魏之間或謂  
之蚰蚰北燕謂之蚰蚰江東人呼蚤皆今蚰蜒喜入耳

者也 [爾雅] 雜錄淮南子云昌陽去蚤蝨而來蚰窮去  
害小而來患大蚰窮卽蚰蜒也聞人髮脂油香則入人  
耳及諸竅中昌陽香醋能召是物故淮南子以爲喻是  
物好濡雨升高則焦死故曰蚰窮一曰陵窮乘陵則窮  
也 [五雜俎] 蚰窮者入耳之蟲也說者以爲蚰蜒郭氏  
曰蚰蜒大者如釵股色正黃其足無數如蜈蚣然則今  
之蠓蝥也蠓蝥能以溺射人成瘡亦不聞有人耳者吳  
人又以蝸牛之無角者爲蠓蝥非蚰蜒也 [邢疏] 蠓蝥  
又名蛟甲蟲也大如蠅虎豆綠色 [事物紀原] 蠓蝥又  
名蟪蛄一頭數尾長二三尺左右有脚如蠶可食 [柳  
州集] 蟪蛄者善負小蟲也行遇物輒持取叩其首負之

各文鏡原卷一百 昆蟲類 諸蟲



背愈重其背甚澀物積因不散卒躓仆不能起人或憐之爲去其負荷能行又持取如故好上高極其力不已至墜地死齊民要術穀蟲曰蚘蚘譚子化書蠶蚘盜人蟲生蠶蚘者腸中之蟲也儒門事親鐵生蟲鐵器久置則起泡中生蟲如聚黑身黃首疾足草木子一民家鐵鍋底下起一鐵泡槌破有一紅嘴蟲其走如飛其嘴至硬是金鐵中亦有蟲也酉陽雜俎木僕尾若龜長數寸居木上食人李石續博物志南方水癡似鼻涕聞人氣閃閃而動就人體成瘡以硃砂麝香塗之愈楊慎外集石尤江中水蟲名此蟲出必有惡風舟人曰打頭風曰石尤風猶嶺南人云颶風黃河人曰

孟婆也陳藏器本草砂俘一名砂按子有毒能殺飛禽走獸生砂石中形如大豆背有刺能倒行旋乾土爲孔常睡不動一名睡蟲生取之置枕中令夫妻相悅北夢瑣言砂俘又名倒行狗子蜀人號曰俘鬱愚始游成都與賣草藥李山人相熟見蜀城少年往往欣然而訪李生仍以善價酬因詰之曰媚藥徵其所用乃砂俘與陳氏所說同李生亦秘其所傳之法人不可得也武陵山川媚草無賴者以銀換之有因其術而男女發狂罹禍非細也物類相感志嶢今山石井坎間生焉其狀類鰻黃灰色翻躍之際日躍則微有金色有兩耳聳立於腦後能偷水雖高山絕頂亦能引之江東人呼



爲馬士蟻或云凡發洩洪水皆其興妖天將雨或時見吐雲氣一名雉龍西陽雜俎雷蟻大如蚓以物觸之乃蹶縮圓轉若鞠良久引首鞠形漸小後如蚓焉或云齧人毒甚道甲開山圖霍山南岳有雲師兩虎注雲師如鼈長五六寸有毛似兔兩虎長八九寸似啞雲雨之時出在石上肉甘可食江鄰幾雜志曹方湖爲御史嘗刷卷四川言彼處萬山深雪中出雪蛆官府遣軍士四山高處懸望雪中蠕蠕而動者則往取之渾如小豬無口足眼鼻儼然蛆形也其身全脂切片而食不易得也草木子雪蠶生陰山北及峨眉山北二山積雪不消生蛆大如瓠俗呼雪蛆味甘美可食癸辛雜志

西域雪山中有蟲如蠶其味甘如蜜其冷如冰名曰冰蛆能治積熱癸辛雜志凡海舟必用大板護其外不然則船身必爲海蛆所蝕蟬史海蛆極細蟲也能蝕海船久則船壞舟人以火焚船底垂涎如鼻涕蛆死矣西陽雜俎象浦川渚有水蟲攢木食船數十日船壞蟲甚細微蟬史水蛆俗呼蠶蟲生積水中屈伸反覆于水長二三分大如針夏月浮水面化爲蚊蟬史蛆蠅所育也埤雅曰蠅懷蛆縈利益蛆初生如粟禾頃之長大善腐肉多生糞溷中及肉鼓內皆有之事物紀原珠水蠶似蝦無鬚六足身扁黑色能化蜻蛉本草水蛆亦名水馬長寸許羣行水上水涸即飛去食之令人



不渴但有小毒 五雜俎水馬逆流水而躍水日奔流而步不移寸尺兒童捕之輒四散奔逆唯嗜蠅以髮繫蠅餌之則擒抱不脫釣至案几而不知也 陳藏器本草溪狗生南方溪澗狀似蝦蟇尾長三四寸治溪毒遊蠱燒末水服效 事物紺珠山蛩烏斑色長二三寸生林間如百足而末取其一節燒灰服之令人惡聞酒氣 酉陽雜俎天牛黑甲蟲也長安夏中此蟲或出於籬壁間必兩 墨客揮犀嶺南有異蟲如蚯蚓長尺餘嘴利如錐多夜出半身著地半指空而行或有誤觸之者直入人心腹食人至死乃出土人目之為夜虎甚畏避之 酉陽雜俎號州有蟲名謝豹常在深土中小類蝦

蟊而圓如球見人以前兩脚交覆首如羞狀能穴地如駘鼠頃刻深數尺或出地聽謝豹鳥聲則腦裂而死俗因名之或曰謝豹人也抱恥死其魄為蟲潛行地中羞見人掘出之猶以足覆面作忍恥狀 段菴雜錄有水蟲名諾龍狀如蜥蜴微有龍狀俗云此蟲飲食即出水據石上凡水族游泳過者至所據之石即跳躍自置其前因取食之有得者必雙雄者既死雌者即至雌者死亦然俗傳以雌雄俱置竹中以節間之少頃竹節自通里人貨其蠶者以蜂俱用為婦人惑男子術 莊子蟲生竈下其狀若脫名為鵠撥十日化為鳥 彙苑詳註青牛花葉上青蟲也有兩角如蝸牛然 正字通斑貓

洛致鏡原卷二百 昆蟲類 諸蟲



亦名蠶螬。〔吳氏本草〕斑貓一名斑蠅。一名龍蠅。一名斑龍。茵一名勝。髮一名晏。清。〔本草經〕一名龍尾。〔山堂肆考〕陶氏曰斑貓一蟲。五變。二三月在芫花上名芫青。四五月在王不留行上名王不留行。六七月在葛花上即名葛上亭長。八月在荳花上即名斑貓。九十月欲還地蟄。即名地膽。本草注地膽出幽州。芫青出寧州。亭長出雍州。斑貓所在有之。陶氏又曰亭長身黑而頭赤。如人之立衣赤幘。故云亭長。〔本草經〕地膽黑頭赤尾。真者出梁山。狀如大馬。蟻有小翼。子偽者即是斑貓。所化狀如大豆。〔雷公炮製〕芫青形類斑貓。但芫青嘴尖。而背上有黃痕。一畫斑貓背上黃黑各一。嘴尖之上。

點小赤好食荳葉。亭長色黃黑。食蔓汁而赤。頭額上有大紅一點。其身亦黑。〔北戶錄〕金龜甲蟲也。五六月生於草蔓上。大於榆莢。細視真帖。金龜子行則成雙。其蟲死。金色隨滅。如螢光也。南人收以養粉。云與養粉相宜。鳥獸續考。金龜子俗呼紅娘。亦有具五色者。外方作下氣強陰之用。〔嶺表錄異〕金龜子大如小指甲。飛時即不類。南人採之。陰乾。裹以金翠。為首飾之物。亦類黔中所產青蟲子也。〔宋祁益部記〕利州金蟲。體如蠶。綠色光若泥金。〔竺法真羅浮疏〕山有金花蟲。文采如金。形似龜。〔事物紺珠〕蝦蟇。蠶。蠅。點。水生。子草上青。鱗魚食之。腹脹。孕蟲。噬破母腹。出身似蟬。黑色及蛻。乃為



蟬〔虎蒼〕土驚俗呼蚌虎蚌者屋蠹也此物氣能禁蠹  
 令蠹盡死故曰蚌虎又名簸箕蟲〔埤雅〕土驚一名蟻  
 一名地驚一名過街言逢申日則過街始與鷓鴣忌庚  
 申燕避戊巳無異也〔賈子說林〕孫鳳有一琴人唱曲  
 則琴弦自相屬和琴背有一孔若蛙者一日有一道人  
 乞食見之曰此中有蛙不除之則皆速朽因袖中出一  
 小竹筒倒黑藥少許孔側有一綠色蟲出背上隱隱有  
 金線文道人納蟲竹筒中竟去自是彈唱琴弦不復鳴  
 矣有博物君子說及此事嘆曰此異寶也謂之鞠通有  
 耳聾人置耳邊少時即愈喜食枯桐尤愛古墨鳳始悟  
 道人竹筒中藥蓋古墨屑也〔白澤圖〕千歲木中有蟲

名曰賈謂狀如豚食之如狗肉味〔感應經〕陽遂蟲其  
 背青黑腹下白有五足長短大小皆等不知首尾所在  
 生時體軟死則乾脆〔庶物異名疏〕魯仲連引古語馮  
 功之蟲三斷不僵馮功蟲名〔嶺表錄異〕龍降生嶺南  
 橄欖樹上形如蝸蟬腹青而薄其鳴自呼但聞其聲鮮  
 能得之人求之為媚藥〔莊子〕乾魚骨之沫為斯彌〔注〕  
 斯彌蟲名也〔莊子〕羊奚比乎不尊久竹生青寧〔注〕青  
 寧蟲名〔續博物志〕唐武德四年官市郎巾有疑為狼  
 筋者有老僧云貧道昔曾以一手於賈胡市得三枚狀  
 如巨蠅兩頭光帶黃色涇帥段祐宅失銀器十餘集奴  
 婢環庭炙之蟲標動有一女奴臉唇動乃竊器者



丹鉛總錄說文鼃鼃鼃也揚雄訓纂說鼃鼃為蟲名按臨海水志鼃似龜一名鼃鼃又名鼃鼃一枚有三斛膏字林睪聽蟲名似蜥蜴出魏興郡居樹上下齧人輒上樹垂頭德哭聲乃去本草丹戩一名飛龍生蜀都如鼠負青股蜚頭赤七月七日採主心腹積血又益符一名無舌可療閉疾又扁前主鼠瘻瘰利水道生山陵如牛童翼赤山堂肆考作負蟲似促織而白色雙鬚甚長無翼不能鳴偃背長股善跳好居下濕地雌雄未嘗相離正字通吉丁蟲背綠翅在甲下出嶺南淮南子注朝嵩朝生暮死之蟲也生水上狀如蠶蛾一名孽母南海謂之蟲邪本草別錄天社蟲狀如犬大

早木葉主絕孕益氣

酉陽雜俎抱槍水蟲也形

如蛞蝓稍大腹下有刺以槍如棘鍼人有毒碎車蟲狀如唧唧蒼色好棲高樹上其聲如人吟嘯終南有之其大而黑者聲亦呼唧唧俗呼沒鹽蟲庶物異名疏益州有蟲曰壓油者形似水鼃每自春時從水出自呼其名人因而採取以重壓之油即津津油罄皮存投水復生蓋亦一種業報內典所謂壓油殃者是也酉陽雜俎食膠蟲夏月食松膠前脚傳之後脚聶之內之丸中宣室志吳郡陸顒幼嗜麩有胡口君好食麩腹中蟲耳因出藥令顒餌之頃吐出一蟲長二寸許色青如蛙胡曰此名銷麥蟲實奇寶也以麩斗餘食之立



胡尚之金函以金玉繒帛數萬為獻乃捧函而去歲  
胡拉顯至海上投前蟲於油中煉之七日有一人瑤  
霞衣齋一珠至徑五寸許奇光泛空光照數百步胡  
受之絕燎收蟲蟲跳躍如初於是齋珠入海緊隨  
一所及水皆豁開迺入龍宮鮫室恣取珍異而出更  
陸爾雅蠃齧桑注似天牛長角體有白點喜齧  
作孔入其中江東呼為齧髮爾雅疏蠃與父一  
黃甲小蟲喜食瓜葉因名守瓜古今注結草  
結葦好於木折屈草葉以為巢窟處處有之  
雜志結一名水螺一名篋衣丈人異苑  
形色豆呪令叩頭又呪令吐血皆從所教

輒七十而有聲故俗呼為叩頭蟲

山有蝮蟲色如綬交鼻上有針名及鼻

餘斤事物紺珠鼻涕蟲泥壁未乾揮涕

蚬本草青腰蟲如蟻大赤色腰中青黑尾

能飛春夏有之性太毒著皮肉腫起物類

足蟲形如小蜂黑色連樹不能去人取帶之

妻相愛五六月采而得之此蟲多出南中

應聲蟲生人腹中若有言小蟲者輒應之惟

藍則默然以藍汁飲之則吐出血塊長二寸

其服雷丸數粒即愈事物紺珠寫字蟲如

行水面西陽雜俎南中有蟲名送役一名







東坡志林 雍邱令米芾有書言 有蟲食

其腹而去俗謂之旁不肯 蝗有小甲

大僅如沙礫嗜人痒痛覓之即不可得俗名

團中亦有之俗名沒子蓋烏有之意也視山

矣

用史 王敬則少時於草中射獵有蟲如烏豆

乃脫其處皆流血敬則惡之詣道士卜道

也 酉陽雜俎 温會在江州與賓客看

忽上岸狂走温問之但反手指背不能

細視之有物如黃葉大尺餘眼遍其上

不可取温令燒之乃落每對一眼底有嘴如釘漁子山

血數升而死莫有 者 酉陽雜俎 河南少尹韋絢少

時嘗於夔州江岸見一異蟲初疑一棘刺從者驚曰此

蟲有靈不可犯犯之或致風雨韋試令踏地驚之蟲飛

伏地如滅細視地上若石爪焉良久漸起如舊每刺上

有一爪忽入草疾走如箭竟不知何物 博物志 蒼梧

人幸便有飛蟲大如麥有甲或石餘或三五斗米食之

如風雨之至斯須而盡人以爲患不可除唯畏梓木首

後以梓木爲棺更不復來 廣古今五行志 隋大業末

洛陽有染傳尸病者其兄氣未絕其弟見一物自死人

口中出躍入其口即病歲餘卒臨終戒妻孥破喉腦視



之如其言於腦中得一物形如魚有兩頭相四遍體有肉鱗置鉢中跳躍不止投以諸味及毒藥皆成水偶以小旋投之此物卽惶遽奔擲頃刻銷化 西陽雜俎唐嘗有士人客游十餘年歸莊莊在登封縣夜久士人睡未著忽有火星發於牆墀下初爲螢稍稍芒起大如彈丸飛燭四隅漸低輪轉 往去士人面纔尺餘細視光中有一女子貫釵紅衫碧裙搖首擺尾具體可愛士人因張手掩獲燭之乃鼠糞也大如羅棊子破視有蟲赤首青身殺之 嶺南異物志五嶺春夏率皆霪水霪日既少涉秋入冬方止凡物皆易蠹敗萌膠甌罽無逾年者嘗買芥菜置壁下忘食數日皆生四足蟲有首尾能

行走大如螳螂但腰身細長耳

格致鏡原卷一百終

格致鏡原卷一百

昆蟲類 無名蟲



